

Hebreos

Mamabuinore coyuiebu iyoca paperayocare cūinácu pōescu ũi toivacaino mácarō ina judíoiva Jesúre ju aivu Hebreos āmicurivu bācavure. Caivu majibevu ũamene toivacayu bācure diyocare. Ūbenita iyede majivu: Nai toivacayu bācu diyocare jápiabedejaquemavu Jesúre, quénora jápiarejaquemavu Jesús ũi yávaiye méne coyuipōeva mácavure (2:3). Ūi toivacaimara ne cójijinocacu āmenejaquemavu (13:7). Copaiyūrejaquemavu ũi toivacaimara ne yebai (13:19). Pablo bācuí yóvaimaracacu bācu barejaquémavu (13:23). Italia āmicurijoborōcavu Jesúre ju aipōeva mácavu ne yóvaimū marejaquémavu (13:24). Obedivu majidivu ne dápiayeye, Apolos bācu toivacarejaquemavu diyocare (Hch 18:24-28). Apevu ne dápiayeye, Lucas bācu toivacarejaquemavu diyocare, diyoca ārojariyoca boje apeyoca pucayoca Lucas bācuí toivacaiye báquepe. Apevu ne dápiayeye, Bernabé bācu toivacarejaquemavu diyocare (Hch 11:22-26, Gá 2:11-21). Áimarocavu bācavure mamarumure eaiyoca bācarō diyocare máre, aru āimaro ũai toivacayu bācu ũi curiimaro ũi toivacaiyede diyocare máre caivu majibevu. Apevu “Jerusalén āmicuriimarocavure” arī, aru apevu “Antioquia āmicuriimarocavure” arī, apevu “Roma āmicuriimarocavure” arī, aru apevu “Alejandría āmicuriimarocavure”, arī dápiavubu. Toivacarejaquemavu Jūmenijicui cūrami Jerusalén āmicuriimarocadāmi mácarōre churarava ne tuvarī jaruvarājiye jipocai, que baru āniūju bācarōre 70 d.C. jipocare. Majidivu ne dápiayeye, toivacarejaquemavu āniūju bācarōre 66 d.C.

Nai toivacayu bācu diyocare toivacarejaquemavu ina judíoiva Jesúre ju aivu bācavure, ne dajocabenajiyeye ayu ne ju aiyede. Dápiaridivū barejaquémavu oatvarājivu, mearore jínajivu Jūmenijicure yópe ne jíye báquepedeca ne Jesúre ju arājiye jipocare. Toivacarejaquemavu coyuyū na mácavure yópe ne oatvayeye majibeve, Jūmenijicui bojecubede đaiye báque boje javede, Jesúí yainfburu nacajaiye báquede, āniñami javedadāmi ũre mearore jíñami mácarōre, aru ānina ũre jícaiye jípōeva, sacerdoteva bācavure, aru ānina āimara ũre jícaimara mácavure máre. Aru ũi bojecubede đaiyede caiye iyede epedejaquemavu Jesúre cūinácura majare jícaiye jiyūre, aru epedejaquemavu Jesúí jivede cūinárora ũre jícaiye, aru epedejaquemavu cavarō mearore cūinárora maje ũre mearore jíñamine. Que baru ũai toivacayu bācu jádovarejaquemavu Jūmenijicu “Que đarājare”, ũi aino pōevare Jesúque mearore ũi aino mácarō Moisés bācuque pūeno, aru Jesúvacari meacu bajure caivu Jūmenijicure coyucaipōeva mácavu pūeno.

Jūmenijicu ũi coyūino mamacuque pōevare

(Mt 22.44; Jn 1.1-3; Col 1.15-17)

1 ¹Javede Jūmenijicu ũi yávaiyede coyucaipōeva mácavure coyuicōjenejaquemavu. Majeñescuva mácavure coyurejaquemavu. Obedinūma yávarejaquemavu. Apecu Jūmenijicui yávaiyede coyucaipōescu apede coyūí aru apecu máre apede, obedivū coyurejaquemavu. Que teni Jūmenijicu pōevare jádovari búrejaquemavu aipe ārojacure. ²Ūbenita

caride, ijāravū buojaijāravūare, maje curijāravūare, Jesucristoi darīburu yóbore, Jūmenijicu yávari jebeibi majare mamacuque. Ūrecabe Jūmenijicui cuedaicōjeimū mácu ijāravūre aru caiye ijāravūquede. Ūrecabe Jūmenijicu pūrucuvaicōjeimū mácu caiyede, ũi cuedaquiye jipocamia. ³Ūrecabe jádovañū Jūmenijicu meacu bajure. Coreóvaivubu aipe ārojacure Jūmenijicure mamacuí đaiyeque aru ũi coyuieque máre. Ūrecabe cūináturū jípacu Jūmenijicuque. Ūrecabe caiyede cure đayū, ũi cōjeiyeque, ũi yávaiye

paruéque, caiye n̄quiyere ayu yópe Jūmenijicui n̄rópe. Ērecabe jaruvayu bácu maje āmeina teiyede, Jūmenijicui ārumetequiyere ayu diede, maje curājiyere ayu yópe docucubevure maje ūmei. Que teniburu yóboi, ěrecabe dobacu bácu jípacu Jūmenijicu parucu caivu p̄eno ũi meap̄uravui cavarō mearoi, ũi c̄vae boje caiye jípacui paruéde ěpe, jabotecuyu caiyede. Aru nore cubi caride. ⁴Jūmenijicu mamacure parure ðarejaquemav̄u caivu ángeleva p̄eno, ũi jaboteicōjeiyede ěre caiyede. Aru quédeca Jūmenijicu āmidorejaquemav̄u mamacure “jímacu”, jáðovacuyu ěre parucure ina ángeleva p̄eno.

Jūmenijicui mácu parucu caivu ángeleva p̄eno

(Mt 22:44; Mr 12:36; Lc 20:42-43)

⁵Ácu ángele cubebi ěre, yópe arī, Jūmenijicui toivaicōjeino mácarōre: Jímacurecabu m̄. Caride caivu ne jápiainoi yávacari jaboteicōjeiv̄u mure, arejaquemav̄u Jūmenijicu mamacure.

Quédeca ácu ángele cubebi ěra, yópe arī, bedióna apeno Jūmenijicui toivaicōjeino mácarōre:

Ȳu bacuyámu ũi pacu. Aru ũ macuyáme jímacu, arejaquemav̄u Jūmenijicu, ũi daroquiyede mamacure.

⁶Aru Jūmenijicu ũi daroquiye jírocamiareca mamacu parucure, caivu ne p̄edarājimure, bedióna ij̄aravui, yópe arī, coyucuyume:

Caivu ina ji ángeleva mearore jíjarāri ěre, Jūmenijicu mamacurā acuyume.

⁷Que baru ángelevacap̄urav̄u ne borore yópe arī, toivaicōjenejaquemav̄u Jūmenijicu:

Jūmenijicu ũi daroimara ángeleva ũnevure paivure ðaibi náre. Náre, ěre memecav̄ure, toa uruinope paivure ðaibi ũ, ne n̄raiyē boje ne memecaiyede ěre, arī coyurejaquemav̄u.

Que arī, jáðovarejaquemav̄u ángeleva oatuvav̄ure aru ðajocav̄ure ne memecaiyede ěre. ⁸Ūbenita mamacucap̄urav̄ure yópe arī, toivaicōjenejaquemav̄u Jūmenijicu:

M̄u, Jūmenijicu baju, cain̄mua p̄evare jabotecuyumu m̄. Mútamu meacu baju. Que baru cain̄mua p̄evare jabotecuyumu m̄ ména. Aru náre mearore ðare ðacuyumu yópe mi n̄rópe. ⁹Mearo ðaiyede ðaiyuv̄u m̄. Cain̄mua ðaiv̄u m̄ yópe ji ðaicōjeiyere. Aru āmeno ðaiyede ðaiyubev̄u m̄. Cain̄mua ðabev̄u m̄ yópe ji ðaicōjemere. Que baru ȳu, Jūmenijicu, mi mearore jímu, beoiv̄u mure, caivu ne p̄edaimu macuyáre, mi jaboteiyede náre. Ȳu epeiv̄u mure parucure caivu mi yóvaimara, ina ángeleva p̄eno. Aru mure ne p̄edarājimu mae boje pare torojure ðaiv̄u ȳu mure aru ina ángeleva mi yóvaimarare máre, Jūmenijicu arī coyurejaquemav̄u mamacure.

¹⁰Bedióna cojedeca Jūmenijicu, yópe arī, coyurejaquemav̄u mamacure:

M̄u, caivu ne jabocu yáque, mamar̄mure mávacari c̄edarejav̄u yo p̄evai curijoborōre. Aru mávacari c̄edarejav̄u cavarōre máre. ¹¹Caiye iye mi c̄edaiye báque c̄iiquiyebu. Ūbenita múcap̄urav̄u cain̄mua c̄imécubu. Quéhora sc̄uyumu cain̄mua. Caiye iye mi c̄edaiye báque yópe cuitótcaje javcacajere pojequiyebu. ¹²Yópe p̄eva ne p̄epeiyepedeca ne cuitótcaje javcacajede, ne doiyede mamacaje cuitótcajede, nopedeca mávacari p̄epejene ðacuyumu caiye mi c̄edaiye báquede, mi epeiyede joborō mamarore aru cavarō mamarore máre. Yópe p̄eva ne oatuvaiyere ne cuitótcajede, nopedeca mávacari oatvacuyumu

caíye mi cuédaiye báquede.
 Ûbenita mácapūravu
 oatuvabecubu cainumua.
 Bucutebecubu. Aru yaibécubu
 mu, arí toivaicōjeneaquemavu
 Jūmenijicu.

¹³Aru ácu ángele cubebi úre, yópe arí,
 Jūmenijicui toivaicōjeino mácarōre:

Dobajacu ji meapūravu, mi cavae
 boje paruéde yūpedeca. Aru
 yu epecuyumu mi mauvare mi
 cuboba cāchinoi. Que teni mure
 vainí jaruvare đacuyumu yu náre,
 mi jabotequiyepa ayu náre, arí
 coyurejaquemavu Jūmenijicu
 mamacure.

¹⁴Ûbenita caivu ina ángelevacapūravu
 torojurivu memecaivubu Jūmenijicure
 aru mearore jívubu úre. Nāmu
 Jūmenijicui daroimara, pōeva ne
 jámemara, cadatenajivu maja ũi
 meadaimara márajivure, cavarājivure
 caiye iye méne Jūmenijicui đacaquiyede
 majare.

Jūmenijicu ũi meadaino majare me baju

(Hch 2.22; 2 Co 12.12)

2 ¹Caride coreóvaivubu maja
 Jūmenijicui mácu parucure caivu
 ina ángeleva pueno. Que baru pueno
 baju me jápiarí adaiye javvu majare
 iye ũi yáva iyede javene maje jápiaiye
 báquede, maje nájimenajiyepa aiyepa
 maje jápiarí adabe boje. Diede ju arí,
 đaiye javvu majare yópe maje jápiaiye
 báquedepedeca. Que đavv baru, ju are
 nuri, árūmetebenajivubu aipe đaiye
 javrōre majare, maje bíjabenajiyepa aivu
 maje ũmene. Ûbenita maje ju aiyede
 đajocarí buivu baru, bíjare nurajivubu
 maja maje ũmene.

²Javede Jūmenijicu ũi ángelevare
 coyucōjeneaquemavu ũi đaicōjeiyede
 Moisés bácu, ũi toivarí epequiyepa
 ayu diede majeñecuva mácvare, ne
 majinajiyepa ayu diede. Iye ángeleva
 ne coyuiye báque Jūmenijicui
 yáva iyepa javē marejaquémavu. Que
 baru caivu vainí tuivu bácvu diede

nájinejaquemavu ne vainí tuíye báque
 boje, yópe Jūmenijicu “Ina vainí tuivu
 ji đaicōjeiyede nájinajarama”, ũi aiyepa
 báquedepedeca. Aru caivu diede ju abevu
 bácvu máre nájinejaquemavu ne ju
 abe báque boje, yópe Jūmenijicu “Ina
 ju abevu yure nájinajarama”, ũi aiyepa
 báquedepedeca. ³Que baru coreóvaivubu
 maja javē nájivu bácvure ina jápiarí
 adabevu bácvu ángelevai yáva iyede.
 Pueno baju coreóvaivubu maja javē
 nájinajivure majare, jápiarí adabevu
 baru Jūmenijicui yáva iyepa mamaene,
 ũi coyuiyede caiye iye ũi mearo
 đacaquiyede majare, ũi meadaiyede
 majare me.

Yópe epedajaquemavu majare
 ũi yáva iyepa mamaene. Maje jabocu
 Cristovacari mamamucacu
 coyurejameda Jūmenijicui meadaiyede
 pōevare me baju. Aru ina úre jápiaiye
 bácvu coreóvare đarejaima majare
 Cristoi yáva iyede javene ne coyuiyede
 diede majare. ⁴Aru Jūmenijicu
 máre coreóvare đabi majare Cristoi
 yáva iyede javene ũi đare đaiyeque
 diede coyūpōevare caijīe pōeva ne
 đarí majibede, ne jámene, aru ũi đaiye
 paruéde máre, aru ũi jini coavaiyeque ũi
 Espiritu Santoi majiécārōre ũi pōevare
 yópe ũi urōpe, ne cadatenajiyepa ayu
 apevure.

Jesucristo pōevare meadapōecu

(Fil 2.6-11; He 12.2)

⁵Jápiarí adaiye javvu majare iye
 Jūmenijicui yáva iyepa mamaene, ũi
 coyucōjeiyepa báquede Cristore, maje
 jabotenajiyepa boje Cristoque. Ángeleva
 āmenejaquemavu Jūmenijicui
 jaboteicōjeimara ũi jaboteinocavure
 mamajāravu edaquijāravu baquinóre,
 ijāravu ji mujare yāvaijāravure. ⁶Quénora
 maja pōeva marejaquémavu Jūmenijicui
 jaboteicōjeimara ũi jaboteinocavure
 mamajāravu edaquijāravu baquinóre.
 Yópe arí, toivaicōjeneaquemavu
 Jūmenijicu ũi yáva iyede:

Mu, Jūmenijicu, pōeva
 parubevureca mi jáinoi aru

ãrué jaubenovacari mure náre, ãruri dápiayubu mu náre. Põeva parubevureca mi jáinoi aru coreiye jaubenovacari mure náre, coreyubu mu náre. ⁷Obebenumua epeivũ mu põevare quíjino parucu ángeleva cáchijinomía. Ëbenita que ñayuvacari, epeivũ mu ina põevare meara baju caivũ ne jáinoi. Aru caivũ pueðaðama náre. ⁸Que teni jabotede ðaivũ mu ina põevare caiye mi cuedaiye báquede, arí toivaicõjenejaquemavũ Jũmenijicu.

Que arí, Jũmenijicu põevare jaboteicõjenejaquemavũ caiyede. Ye jaboteino cubeno aiyurõtamu no. Ëbenita caride jámevũ maja põevare caiyede jaboteivure. ⁹Quénora coreóvaivubu maja Jesúrã. Obepenũuara Jũmenijicu epedejaquemavũ ùre quíjino parucu ángeleva cáchijinomía. Nópe ðarejaquemavũ Jũmenijicu ùi ue boje caivũ põevare, Jesús ùi yaicáquiyepe ayũ majare boje. Ëbenita caride coreóvaivubu maja Jesúre Jũmenijicui epeimure meacũ bajure aru maje pueðaimure máre, ùi ñájiye báque boje ùi yayiede.

¹⁰Jũmenijicu ye jaurõ cubecu ðarejaquemavũ Jesúre, ùi ñájiyede earí buojare ðacuyũ obedivũ põevare Jũmenijicui mára márãjivũva, maje curãjiyepe ayũ meara baju Jũmenijicunque cavarõ mearo ùi curõi. Meavũ Jũmenijicu, ñai cuedayũ bácu caiyede ùi cuvaiyue boje diede, ùi eavare ðaiye majare ùi yebai ùi mára márãjivũva. Aru Jesúrecabe yópe ùi jipocateni nuvaiyepe ùi mái, majare meðarí eare ðayũ caiye iye Jũmenijicui mearo ðacaquiyede majare. ¹¹Majare meðarí, Jũmenijicu jina tede ðaibi Jesús. Ñai jipocateyũ põevare Jũmenijicu yebai aru maja ùi jipocateimara máre cūináturu cvarivũbu majepacu Jũmenijicure. Que baru Jesúvacari “mũja, jívũ” ayũ majare,

cũyebebi ù. ¹²Yóbesue ùi coyũiyede, Jesús “jívũ”, arí coyũrejaquemavũ maje borore, ùre ju aipõevare. Apenũmu yópe arejaquemavũ jípacu Jũmenijicure:

Coyũcuyũmu mi borore jívure.
Ne cójjiyede, mearore jínajivũ mure, yuríacuyũmu yũ, mearore jícyũ mure, arejaquemavũ jípacu Jũmenijicure.

¹³Yópe máre arejaquemavũ:

Yúvacari ju acuyũmu jípacu Jũmenijicure jáve, yópe ina jívũ ne ju aiyepe ùre, arejaquemavũ ù. Aru cojedeca yópe máre arejaquemavũ: Yui cuvũ yũ jívũque, ina põeva Jũmenijicui jímara mácavũque, arejaquemavũ ù, coyũyũ maje borore, ùi eavarãjimarare Jũmenijicu yebai.

¹⁴Maja põevatamu. Que baru Jesúvacari “Põecu tecuyũmu” aríburu, majape páyureca tedejaquemavũ ù. Põevape ãrojarejaquemavũ ù. Que tedejaquemavũ parubede ðacuyũ ñai abujuvai jabocure, ñai cuvacu ùi cõjeimarape caivũ põeva jidũrivũ ne yainájiyede, ne boropateiyede, ne ãmeina teiye boje. Jesús ùi yayiede parubede ðarejaquemavũ ñai abujuvai jabocure. ¹⁵Que teni meaðaibi põevare. Javede maje cœe báquede abujuvai jabocui cõjeimara curjavũ maja, maje jidũé boje yainore. Ëbenita yópe ne jodeiyepẽ cõjeimarare, nopedeca Jesús ñejaquemavũ majare abujuvai jabocui paruéde jocarí, maje jidubenajiyepẽ ayũ yainore. Ëi bojedaiye báque boje caiye maje ãmeina teiyede ùi jiveque, boropatebevũbu maja caride. Que baru jidũbevũbu maje yainájinore.

¹⁶Me coreóvaivubu maja iyede: Jesús põetebedejaquemavũ, cadatecacuyũ ángelevare. Quénora põetedejaquemavũ, cadatecacuyũ maja põevare, Abraham mácui pãramenare, maje ju aiye boje Jũmenijicure. ¹⁷Nópe ðacuyũ baru, cūináturu teiye jaurejaquemavũ Jesúre yópe ù jivũ Jũmenijicure ju aivũpe. Cūináturu majapedeca tebecu baru, sacerdotevare jaboteipõecu teni

buojabejebu ñ, Jūmenijicui cōjeiyepe ñacayū pōevare boje, ñi me jāquiyepa ayū majare. Cūináturureca majape páyū teni, cōmaje āroje jāri, aru dajocabecūva ñari ũre ñaiye jauéde, sacerdotevare jaboteipōescu teni buojarejaquemavū ñai Jesús. Memecarejaquemavū Jūmenijicure, ñi ārumetequiyepe ayū maje āmeina teiyede aru ñi me jāquiyepa ayū majare, Jesúi jācaiye báque boje ñi bajure Jūmenijicure. ¹⁸Jesúvacari abujuvai jabocui jujovaiyūmā maridurejaquemavū. Aru ñājinejaquemavū diede. Que baru caride ũrecabe cadateni buojayū majare, abujuvai jabocui jujovaiyūmarare.

Jesús parucu Moisés bācu pueno

3 ¹Caiye iye ji coyūiye mujare jāvetamu. Que baru muja, jīvū, Jesúre ju aivū aru Jūmenijicu jina, yūpe paivūbu muja māre Jūmenijicui cutuimara māvū ñ jina mārājivū, cūvarājivū caiye iye Jūmenijicui mearo ñacaquiyede majare. Me ārūjara muja Jesúre, coreóvarājivū me aipe ārojacure aru aipe ñayure. ũrecabe Jūmenijicui dāroimū māvū, ũre coyūcaipōescu, majide ñacayū majare Jūmenijicu “Que ñarājare” ñi aino mārārore majare. Aru sacerdotevare jaboteipōescu ñ, cadatecayū majare, maje ñarājiyepe ayū yōpe maje aiyepepeca, maje ju aiye boje Jūmenijicure. ²Jūmenijicu beorejaquemavū Jesúre ũre memecaipōescu.

Aru Jesús memecaibi Jūmenijicure dajocabecūva yōpe ũre ñaiye jauōre, yōpe Moisés bācui memecaiye báquepe Jūmenijicure dajocabecūva, ñi jaboteiyede Jūmenijicui pōeva Israecavū bācavure. ³Ūbenita Jesúre pueñaiye jauvū Moisés bācure pueñaiye pueno. Moisés bācu cūinācu Jūmenijicui pōevacacu barejaquemavū. Ūbenita Jesús, caiyede cuedayū bācu, Jūmenijicui pōevare māre ñarejaquemavū. Nopedeca pōescu cūramine ñarīburu yōboi, pueno baju, “Ñai pōescu cūramine ñaiyede majibi

me”, pōeva adama. Ūbenita majiēda, “Cūrami meadānimu”, adama na. Que baru, ñai ñayū bācu ne pueñaimūme ñi ñaiye báque pueno. Aru ñai cuedayū ne pueñaimūme ñi cuedaimara pueno. ⁴Cūrami cubevū pōescu ñināmine ñayū cubedu. Ūbenita Jūmenijicurecabe caiye ijāravūquede cuedayū bācu.

⁵Moisés bācu, Jūmenijicui pōevacacu. Jūmenijicure memecarejaquemavū, coreyū ñi pōevare. ũre memecaiyūrejaquemavū. Que baru dajocabecūva ñarejaquemavū yōpe ũre ñaiye jauōre. Moisés bācūcapūrāvū ñi coyūiyeque aipe ñaiye jauōre Jūmenijicui pōevare, coreóvare ñarejaquemavū nāre jāvene iye Jūmenijicui coyūquiyede aipe ñaiye jauōre obedijūna yōboi Jesucristoque. ⁶Ūbenita Cristocapūrāvū Jūmenijicui māvū. Aru jabocui māvū parucu ũre memecaipōescu pueno. Que baru Cristobe parucu Moisés bācu pueno. Caride Cristorecabe dajocabecūva coreyū Jūmenijicui pōevare, yōpe ũre ñaiye jauōre. Aru majamu Jūmenijicui pōeva, jidubevūva aru torojūrī dajocabecūva napini corede ñivū baru iye ñi mearo ñacaquiyede majare.

Jūmenijicui pōeva ne cārijimequino (Ef 6.17)

⁷⁻⁸Mujamu Jūmenijicui pōeva. Que baru me jājara muja, yōpe Jūmenijicui coyūcaicōjeiye báquepe ñai Espiritu Santore:

Caride muje jāpaiyede Jūmenijicui coyūiyede, jāpaiyūbevūpe tebejarā muja, yōpe mujeñecūva māvū ne teiye báquepe. Na māvūcapūrāvū ju abedejaquemavū Jūmenijicure ne cuede pōescubeno. ũre ju abeni, ñi ũrore majidivū bācavūvacari ñabedejaquemavū na māvū. “Ñājine ñabecūbe Jūmenijicu majare, ũre maje ju abedu”, arī dāpiaridurejaquemavū ũbenina na māvū, arejaquemavū ñai Espiritu Santo.

⁹Jūmenijicu, yópe arī,
toivaicōjenejaquemavñ ñi coyuīye
báquede:

No pōescubenoī mñeñecuva mácavñ
yure jñ abeni, jñ ñrōre majidivñ
bácavñvacari ñabedejaquemavñ.
Pare maucñvarejaima yure,
járividivñ bácavñvacari caiye jñ
ñaiyede pōeva ne ñarī majibede
cuarenta paiñjña baju. ¹⁰Que
baru jorojīni járejacacñ na
mácavñre. Yópe arī ñápiarejacacñ
nára: “Cainñmua ina pōeva
járíaiyubema yure. Que
baru jñ ñrōre aru jñ ñaiyede
coreóvabenama na”, arī
ñápiarejacacñ yñ. ¹¹Que baru
pare baju jorojīni jáññ, yópe
arī ñápiarejacacñ yñ: “Yábu
Jūmenijicu. Que baru yópe
coyuyubu jáve. No joborō jñ náre
cārijimene ñájñrorijoborōre ye
eabenama na”, arī ñápiarejacacñ
yñ, na mácavñre jarayñ, arī
coyñrejaquemavñ Jūmenijicu.

¹²Que baru mñja, jívñ, Jesúre jñ
aivñ, me ñajarā, mñjacacñ cūinácñ ñi
ñmeina ñápiabequīyere aivñ ñi ũmei,
ñajocaiyucñ ñi jñ aiyede ñai Jūmenijicu
arñcure. ¹³Quénora parure ñajarā mñja,
cañatenajivñ mñjacavñre, parñrō nure
ñarājivñ mñje jñ aiyede Jūmenijicure.
Nópe ñajarā mñja, “Jesúre jñ are
ñivñ bñjarā”, caiñaravña mñje cñede
cñreja “caride”, Jūmenijicui yávaiyede
coyuīye báquere. Mñjacacñ cūinácñ
yávaiyede jávene járíaiyubecure
tebejacurī, abujuvai jabocñi jñjovaiye
báque boje ũre ñi borocñede
coyuīyeque Jūmenijicurā. Nópe ñayñ
baru, ñmeina tejebu. Aru ñmeina teyñ
baru, ñajocajebu ñi jñ aiyede Jesúre.

¹⁴Cainñmua maje cñede cñreja ijñravñi
ñajocabevñva jñ are ñuiye jañvñ
majare Jesúre parñéque, yópe maje
mamarñmure jñ aiyede báqueredeca
ñre. Nópe ñaiye jañvñ caivñ majare,
yóvarājivñre Cristore, memenajivñre
ijñravñi ñque, aru curājivñre cavarō
mearo Jūmenijicui curōi. ¹⁵Que baru

yópe arī, toivaicōjenejaquemavñ
Jūmenijicu:

Caride mñje járíaiyede Jūmenijicui
coyuīyede, járíaiyubevñre
tebejarā mñja, yópe mñeñecuva
mácavñ ne teiye báquere. Na
mácavñcapūravñ Jūmenijicure jñ
abedejaquemavñ, arejaquemavñ ñi.

¹⁶Caivñ ina majeñecuva mácavñ,
Moisés bácñi jipocateimara
mácavñ Egipto ñmicñrijoborōre
jocarī, Jūmenijicui coyuīyede
járíaiyubevñ bácavñvacari jñ abeni
maucñvarejaquemavñ ũre. ¹⁷⁻¹⁸Aru
caivñ ina jñ abevñ bácavñre ñi
cōjeiyede yópe pare baju arejaquemavñ
Jūmenijicu: “Yábu Jūmenijicu. Que baru
yópe coyuyubu jáve. No joborō jñ náre
cārijimene ñájñrorijoborōre ye
eabenama na”, arejaquemavñ. Aru Jūmenijicu
ñmeina jorojīnejaquemavñ na mácavñque
ne ñmeina teiye boje cuarenta paiñjña
baju. Que baru yaidé ñarejaquemavñ
na mácavñre no pōescubenoī. ¹⁹Que
baru coreóvaivñbu maja aipe vaiye
báquede na mácavñre. No joborō ne
cārijimeñrorijoborōre eabedejaquemavñ
na mácavñ, ne járíaiyubeni jñ abe báque
boje Jūmenijicure.

4 ¹Aru Jūmenijicu “Que ñacacñyñmñ
yñ jáve” arī, cārijimene ñaiyubi
majare máre ũque, yópe ñi cārijimene
ñaiyurīdivñre báquere majeñecuva
mácavñre. Que baru me jáiye jañvñ
majare Jūmenijicu ñi eaicōjemequīyere
aiye cūinácñ mñjacacñre ñi cārijimene
ñaiyede yópe “Jáve ñacacñyñmñ”, ñi
aiye báqueredeca. ²Yópe majeñecuva
mácavñ ne járíaiye báquere iye yávaiye
méne Jūmenijicui cārijimene ñaiyuede
pōevare, nopedeca maja máre járíaiyubevñ
bácavñbu iye yávaiye méne. ũbenita
na mácavñ diede járíarīdivñvacari, jñ
abedejaquemavñ diede. Que baru na
mácavñ barejaquémavñ Jūmenijicui
cañatebemara. ³ũbenita maja Jesúre
jñ aivñrecabu Jūmenijicui cārijimene
ñaimara. Jūmenijicurecabe cārijimene
ñaiye majicu. No cārijimene ñaiyede
Jūmenijicu, yópe arī, coyñrejaquemavñ:

Jorojini jáññ pare baju, yópe arí dápiarejacacu: “Yábu Jūmenijicu. Que baru yópe coyuyubu jáve. No joborō ji náre cārijimene đájurorijoborōre ye eabenama na”, arí dápiarejacacu yu, na mácvure jarayu, arí coyurejaquemavu Jūmenijicu.

Nópe arejaquemavu Jūmenijicu, majicu bácu ũi caiyede cuedaquíye jipocamia, caiyede ũi đaquíyede, cārijimene đacuyu majare úque. Aru cuedarí buojarí, ũi memeinore buojarejaquemavu Jūmenijicu. ⁴Jūmenijicui yávaiyede, yópe arí, toivaicōjenejaquemavu no jāravu ũi cuedarí buojajāravu bácarōra.

Seis pajāravua vaiyede, cuedarí dajocarí buojarejaquemavu Jūmenijicu, cārijimesu, arí toivaicōjenejaquemavu ũ.

⁵Yópe ji coyúíye báquepe mujare jipocamia, iye ũi cārijimene đaiyede, yópe arí, toivaicōjenejaquemavu Jūmenijicu:

“No joborō ji náre cārijimene đájurorijoborōre ye eabenama na”, arí toivaicōjenejaquemavu ũ, Jūmenijicu.

⁶Ina majeñecuva mácvu, mamarumu jápiaívu bácvu iye yávaiye méne Jūmenijicui cārijimene đaiyede pōevare, cārijimene đaimara āmenejaquemavu na mácvu, ne diede jápiarídurí ju abe báque boje. Ŭbenita apevu pōeva cuma caride, Jūmenijicui cārijimene đaimara.

⁷Diede coreóvaívu maja Jūmenijicui beojāravure, “carí jāravu” ũi aijāravure. Que baru obediñua vainburu yóbore, yópe ji coyúíye báquepe mujare jipocamia, yópe arí, David bácvure toivaicōjenejaquemavu Jūmenijicu cūináro yuríainore:

Caride muje jápiaiyede Jūmenijicui coyúíyede, jápiaiyubevupe tebejarā muja, arí coyurejaquemavu David bácvu.

⁸Ŭi que aye báque boje, coreóvaívu maja Jūmenijicu cārijimene đaiyucure apenmucavure, Josué bácvu

yóbocavure. Josué bácvu jaboteiyede majeñecuva mácvure, ne mauva mácvure boarí, vainí turejaquemavu. Aru dinmure yópe Jūmenijicu “Jáve đacacuyumu”, ũi aye báquepedeca, cārijimene đarejaquemavu na mácvure. Ŭbenita Jūmenijicu ũi coyúicōjeiyede David bácvure bedióva apejāravurá, “caride” arí, maje cārijimenajiyede coyurejaquemavu.

⁹Caiye iye jávetamu. Que baru Jūmenijicui pōeva eavívu curívu ijāravu cārijimenoque maje ũmei. Yópe Jūmenijicui cuedarí dajocaiye báquepedeca cuedayu bácvu seis pajāravuai, nopedeca maja ũi pōeva máre dajocavívu maje āmeina teni đaiyuede, maje ju aiyede Jesúre.

¹⁰Caívu maja dajocavívu bácvu maje đaiye báquede cārijimenoque maje ũmei curívu caride, đarājívú yópe Jūmenijicui urōpe, yópe Jūmenijicu cārijimesu ũi cūepe ũi cuedaríburu yóbore caiye ijāravunque, die nūquiyepe aívú yópe ũi urōpe.

¹¹Que baru caino maje oainope đaiye javu majare, earājívú maje cuede Jūmenijicucue cārijimenoque. Nópe đaiye javu majare, majacacu cūinácu ũi cubequiyepe aívú eabecu ũi cuede Jūmenijicucue cārijimenoque, ũi dajocaiye boje ũi ju aiyede Jesúre, yópe majeñecuva mácvu ne eabe báquepe ne cuede Jūmenijicucue cārijimenoque, ne jápiabeni ju abe báque boje ũi yávaiyede. ¹²Jūmenijicu ũi yávaiyeque coyuyube pōevare ũi dápíainore. Que baru ũi yávaiyebu apuere. Aru ũi majide đayube pōevare ũi urōre ũi yávaiyeque. Que baru ũi yávaiyebu parué. Yópe carove urūjídive cairucapūravua burarí coavaiyepe me, nopedeca aru pñeno baju me coavaiyebu Jūmenijicui yávaiye. Yópe carove cotuvaiyepe pōescu bajure, nopedeca Jūmenijicui yávaiye cotuvaiyebu pōescu jívu pñ ũi ũmeita aru pñ ũi decocuita máre. Que baru maje buiyede Jūmenijicui yávaiyede coreóvarí eavívu méne o āmene maje urōre aru maje dápíainore máre.

¹³Põescu cubebi apejēne yaveiye majicu Jūmenijicure jocarī. Caiye iye maje dāpiayede jāri majibi Jūmenijicu. Aru ūrecabe maje coyurājimu caiye maje đaiyede ijāravui.

Jesús sacerdotevare jaboteipõescu paruscu caivn pueno majare boje
(Mt 26.36-46; Mr 14.32-42; Lc 22.39-46; Jn 10.18; Fil 2.8; He 1.5)

¹⁴Caride coyurajivn mujare bediõva cojedeca Jesucristo Jūmenijicu mácure, sacerdotevare jaboteipõescu paruscure caivn pueno. Nai sacerdotevare jaboteipõescu coyusaiibi Jūmenijicure majare boje. Jesucristorecabe ecoyũ bācu cavarõ mearo Jūmenijicu curõ bajui. Que baru majare parure nuiye jaũvũ maje ũmei, đarājivn yõpe maje aiypedeca maje ju aiye boje Jūmenijicure. ¹⁵Nai sacerdotevare jaboteipõescu majare boje jāve cõmaje āroje jāñme majare maje ñājyede, maje parube boje maje ũmei. Nai abujuvai jabocu ũi jujovaiyede majare, ñājñavũ maja. Jesũre mãre, majapedeca, jujovarĩdurejaquemavn ñai abujuvai jabocu. Que baru Jesús me coreõvaibi maje ñājyede. Caino ũi oainope ñai abujuvai jabocu jujovarĩdurejaquemavn Jesũre. Ūbenita ye jujovarĩ obedejaquemavn ũre. Aru Jesũcapũravũ ye āmeina tebedejaquemavn cainũma. ¹⁶Que baru, yõpe maje joabejĩnoi nuiyepẽ ũi yebai, jēniarajarevũ jidubevũva Jūmenijicu paruscũ bajure. Nõpe đarājarevũ, ũi cõmaje āroje jāquiyepẽ aivũ majare, ũi ārucmetequiyepẽ aivũ maje āmeina teiyede, aru ũi jíquiyepẽ aivũ bojecubeda majare jauéde, ũi cadatequiyepẽ aivũ majare.

5 ¹Caride ārũre đaquijivn mujare aipe ārojarivũre ina sacerdotevare jaboteipõeva mácavũre. Jūmenijicu beorejaquemavn caivn sacerdotevare jaboteipõeva mácavũre nácavn ne jēneboi. Aru epedejaquemavn na mácavũre, ne memecarājyepẽ ayũ ũre põevare boje. Ūre memecarejaquemavn

jícaivn Jūmenijicure āimara ne boaimara mácavũre juaiyede, nácavn aru ne baju mãre ne āmeina teiye boje, ũi ñājine đabequiyepẽ aivũ nãre die boje, aru ape jícaiyede mãre, puedarĩ Jūmenijicure, torojuede jñajivn, ũi cadateiye bāque boje nãre.

²Sacerdotevare jaboteipõescũvacari parubedejaquemavn ũi ũmei, yõpe apẽvũ põevape. Que baru cõmaje āroje jāñ coreõvarejaquemavn ina āmeina teivũre coreõvabevũva, ne majibe boje yéde āmeina teiyede. ³Aru ũvacari ũi parube boje ũi ũmei, Jūmenijicure jícaiyẽ jaurejaquemavn ũre āimara boaimara mácavũre juaiyede, põeva ne āmeina teiye boje aru ũi baju āmeina teiye boje mãre.

⁴Sacerdotevare jaboteipõescu bācu barejaquémavn põeva ne pueďaimũ, ũi memecaiye boje Jūmenijicure parũéque. Aru põescu cubebi ũi bajure beorĩ epẽvũ sacerdotevare jaboteipõescũva. Quénora Jūmenijicurecabe cũinácũra beorĩ, cuturĩ, epẽvũ sacerdotevare jaboteipõescũva. Quédeca barejaquémavn Aarón mácũ, põeva ne pueďaimũ mácũ, Jūmenijicu beorĩ, cuturĩ, epẽiye bāque boje ũ mácure sacerdotevare jaboteipõescũva.

⁵Aru nopedeca vaidéjaquemavn Cristore. Ūvacari ũi bajure beorĩ epebedejaquemavn sacerdotevare jaboteipõescũva. Quénora Jūmenijicũvacari ũre beorĩ, epẽni, yõpe arejaquemavn ũre:

Jímacurecabu mũ. Caride caivn ne járiainoi yũvacari jaboteicõjeivn mũre, arejaquemavn Jūmenijicu matascũre.

⁶Aru apeno Jūmenijicu soyũno mácarõre Cristore, yõpe arĩ, toivaicõjeneaquemavn:

Cainũma sacerdotẽ tecũũmu mũ dajocabescũva, yõpe Melquisedec ũi sacerdotẽ teiye bāquepedeca dajocabescũva, arejaquemavn Jūmenijicu.

⁷Cristo ũi cuede cãreja ijāravui coyũvarejamedã Jūmenijicũque, aru

jēniarejamedā úque, ũi cadatequiyepe ayu. Orique codoboborī jēniavarejamedā Jūmenijicure, ñai meadaíye majicure úre ũi yaijūrōre jocarī. Aru Cristoi pueđarī ju aye boje, ũi jēniayede Jūmenijicure, “Mi urōpe đajacu mu” arī, Jūmenijiccapūravu Cristoi jēniayede jápiarī ju arejaquemavu, ũi cadateiyede Cristoi đaquíyepē ayu yópe ũi urōpe. ⁸Cristo, Jūmenijicui mácu, jípacure ju aye majicūvacari, ñájiñu majini jebedejaquemavu aipe ārojaene Jūmenijicure jápiarī ju aiyede aru ũi urōpe đaiyede. ⁹Cristoi đaiye báquede caiye iye úre jauéde yópe Jūmenijicui urōpe, pōevare meadaipōescu tedejaquemavu. Que baru caivu maja úre jápiarī ju arī đaivure yópe ũi urōpe meadayube ũ, maje cūvarājiyepē ayu caiye iye Jūmenijicui mearo đacaquíyede majare, aru maje jabotenajiyepē ayu Cristoque cainumua. ¹⁰Aru Jūmenijicu epedejaquemavu úre sacerdotevare jaboteipōescu cainumua, yópe ũi epeiye báquepedeca Melquisede de sacerdotevare jaboteipōescu.

Dajocabearā muje ju aiyede Cristore
(1 Co 3.2)

¹¹Toivacaiyurīduivu mujare urarō iye Cristoi sacerdotevare jaboteiyede. Ūbenita mujacapūravu jūracurivu tedavū. Que baru ji coyuru mujare Cristoi sacerdotevare jaboteiyede, jápiabejebu muja. Que baru maiyójavu yure diede ji coyuyurīduiyede mujare. ¹²Javede majivu muja iye yávaiye méne Cristorā. Aru úre ju aivubu obediuare. Que baru parurivu baru muje ũmei, mujavacari buejebu apévure, ne jápiarī ju arājiyepē aivu diede. Ūbenita quénora pu caride máre mujavacari me jápiarī eabevu. Jauvu mujare apévū ne bueiye bediōva cojedeca no bueino maiyójabenore, yópe mamarumu muje bueino mácarōpe Jūmenijicui yávaiyequede.

Mujavacari juedojinape paivu tedavū. Juedojinā opeco matuiyeda úcuñaima. Ūbenita bucūva āiyede āiye

majima. Quédeca pōeva juedojinape paivu ne ũmei quénora Jūmenijicui yávaiye maiyójabede jápiarī eadama na. Ūbenita pōeva bucūvape paivu ne ũmei Jūmenijicui yávaiye maiyójaede máre jápiarī eadama na. ¹³Caivu ina āri majibevu aru opeco matuiyeda ũcuivu juedojinatamu. Bucūva āmevatamu cāreja. Pōeva majibevu yéde đaiye méne aru āmene máre juedojinape paivubu ne ũmei. Dápiarī majibevu cāreja iye maiyójaede Jūmenijicui yávaiyequede. ¹⁴Ūbenita ina āri majidivu bucūvatamu. Pōeva majidivu aipe đaiye méne aru āmene máre bucūvape paivubu ne ũmei, ne dápiarī cōmajiyepē boje caiye ne đaiyede mearo maru o āmeno maru. Dápiarī majidivubu iye maiyójaede Jūmenijicui yávaiyequede.

6 ¹Que baru bueiye jauvu majare Jūmenijicui yávaiye maiyójaede ũi yávaiye méne Cristorā, yópe ina bucūvape ne ũmei ne bueiypedeca, maje đarājiyepē aye jāravua coapa yópe Jūmenijicui urōpe Cristoi parúeque. Buebenajaramu bediōva cojedeca Jūmenijicui yávaiye maiyójabede ũi yávaiye méne Cristorā, yópe maje mamarumu bueiye báquepe, yópe ina juedojinape ne ũmei ne bueiypedeca. Que baru mujare buebequijivu cojedeca iye muje mamarumu bueiye báquede. Maja buebenajaramu pōeva ne chíoiyede ne āmeina teiyede aru ne dajocaiyede diede, oatvarājivu ne đaiyede, Jūmenijicui jaruvaiyepē aivu diede, náre coavajuroede úre jaruvarī. Aru pōeva ne ju aiyede Jūmenijicure buebenajaramu maja. ²Mujare buebequijivu cojedeca iye bueiye pōeva ne Jūmenijicue jádovaiyede ocoque aru ne apévure tuoiyede ne pūruáque, Jūmenijicui mearo đacaquíyepē ayu ina tuoimarare. Mujare buebequijivu cojedeca iye bueiye pōeva ne nacajarajiyede yainore jaruvarī, cūrājivu cainumua mamabaju cūimébajuque, aru Jūmenijicui jaroquíyede caivu pōevare ne cūrājinoi jāravu cūiméjāravu baquinóre, apévure

cavarō mearo ũi curōi aru apεvure toabo cūiméboi, na coapa ne ðaiye báque boje ne cuede ijāravui. ³Quénora bueiye javuv majare Jūmenijicui yāvaiye maiyójaede ũi yāvaiye méne Cristorā bucuvape tenajivu maja maje ũmei ye jaubeda. Bucuvape teiyuru maje ũmei, Jūmenijicu buiecōjecuyume majare ũi yāvaiye maiyójaede. Aru Jūmenijicui nópe buiecōjenu majare, coreóvarājivubu Cristore ye jaubeda.

⁴⁻⁶Ūbenita nópe bueni buojabevu apεvu pōeva. Pōecu ūbenina bueyu bácu Jūmenijicui yāvaiyede aru ju arīduyu bácu Cristore, ũi ju abeni dajocarū ũi ju arīduiye báquede Cristore, pōecu cubebi majicu chíore ðayu, ũi dajocaquiyepε ayu ũi ámeina teiyede aru ũi oatvaquiyepε ayu ũi ðaiyede. Pōeva ũpe paivurecabu cūinára coreóvaivu bácvu Jūmenijicui yāvaiye méne jāvene Cristorā, aru cvarivuv bácvu Jūmenijicui mearo ðacaiyede náre ũi meadaiye báquede náre aru ũi cure ðaquiyede náre jāravv cūiméjāravv baquinóre ũque, aru cvarivuv bácvu Jūmenijicui Espírítu Santoi majiécarōre, aru majidivv bácvu Jūmenijicu ðayure cainumua yópe ũi aiye báquepedeca ũi yāvaiyeque, aru jáivu bácvu Jesúre ju aipōeva ne ðaiyede Jūmenijicui paruéque, yópe Jūmenijicu ðacuyure ũi jaroquiyede apεvu pōevare ũi curōi aru apεvu pōevare toabo cūiméboi. Caiye diede majidivv bácvuvvacari, nárecabu dajocavv bácvu ne ju aiye báquede Cristore. Que ðarī yópe pēvaiyepε Jūmenijicui mácvre cojedeca jocusjaravena, ne ũbe boje ũre, pōeva ne yurinajiyepε aivu, ðaðama na.

⁷Que baru jēvari coyurī, pōevamu yópe joborōpe. Jūmenijicu ocare ðaibi joborōi. Nore ne jiore pōeva ne memeniburu yóbore aru ne oteiyε báque pīarīburu yóbore, ũre jēiye méne ñnama ina memepōeva. Que baru Jūmenijicu mearo ðacaibi no joborōre, pōeva ne memeiye boje. ⁸Ūbenita no joborōre pōeva ne mememenu, miumenejaiye aru ámecōriámenejaiye máre quéða píaiyavv

nore jiorojai. No joborō bojecube boje, jēiye cube boje nore, pōeva ne juarīburu yóbore caiye iye miumenejaiyede aru iye ámecōriámenejaiyede máre dajocaðama no jiorojare jocarī. Que baru Jūmenijicu ámedaibi no joborōre, pōeva ne mememe boje. Quédeca Jūmenijicu mearo ðacaibi ũre ju aivure aru ñájine ðaibi ũre ju abevure.

Maja dajocabevu maje ju aiyede Cristore maje napini coreiye boje Jūmenijicui me ðacaquiyede majare

⁹Muja, jívu, ji umara, yu toivacayuvvacari nópe paruéque ji coyuiyede, majicacuyv mujare, ūbenita cārijimevv yu mujare boje. Quénora coreóvaivu yu ðare nuivure yópe javépe mujare, Jūmenijicui pōevare, ũi meadaiye báque boje mujare. Ðaðavū yópe mujare javépe muje memecaiyede Jūmenijicure aru muje caðateiyede apεvu pōevare. ¹⁰Cainumua Jūmenijicu mearo ðaibi, yópe ũre javépe. Que baru jāve árucuyume muje memecaiyede ũre. Muja caðateðavū apεvu majevv Jesúre ju aipōevare javede aru caride máre. Que teni muje uede Jūmenijicure jáðovavv. Diede Jūmenijicu árumetebecuyume cainumua. ¹¹Ūrarōreca ũvv yu mujare coapa muje memecare nurajiyepε ayu Jūmenijicure torojurivv, muje caðateiyequε apεvure cainumua muje cuede ijāravui. Que ðaivu baru, caiye iye Jūmenijicui mearo ðacaquiyede mujare, muje napini coreiyede, earājaramu muja. ¹²Ūbevū yu mujare júracurivv tede nuivure muje jápiayede Jūmenijicui yāvaiyede. Quénora ina ũi yāvaiyede jápiarī ju aivure tejarā muja. Ina dajocabevure ne ju aiyede Jūmenijicure aru napivure ne ñájiyede tejarā muja. Nápe paivurecabu earājivv caiye iye Jūmenijicui mearo ðacaquiyede náre yópe ũi aiye báquepedeca.

¹³⁻¹⁴Nápe páyurecabe majeñecu mácu Abraham mácu. Javede yópe arejaquemavv Jūmenijicu ũ mácvre: “Yūbu Jūmenijicu. Que baru yópe

coyuyubu mure jãve. Mure mearo baju ðacacuyumu yu. Aru mipãramena mãrajivũ obedivũ baju tenajarama ina mãrajivũ”, arejaquemavũ Jũmenijicũ. Jũmenijicũ nõpe aiyẽ bãquede Abraham mãcure, “Jãve baju ðacuyumu yu nõpe ji aiyẽ bãquepedeca”, arejaquemavũ. Apesu ãi cube boje parucũ Jũmenijicũ pũeno, “Yãvacari jãðovacuyumu jãvene ‘Jãve baju ðacuyumu’, ji aiyẽ bãquepedeca”, arejaquemavũ ã. ¹⁵ Abraham mãcucapũravũ napini corede nũrejaquemavũ Jũmenijicũ ðacaquiyede yõpe ãi aiyẽ bãquepedeca. Aru Jũmenijicũ vaidẽ ðarejaquemavũ ã mãcure yõpe ãi aiyẽ bãquepedeca.

¹⁶ Põeva “Jãve ðacuyumu yu” ne aiyede, ne baju pũeno baju parucure cainũmũa jẽniavaivubu, ãi jãðovaquiyepẽ aivũ jãvene ne aiyẽ bãquede. Apesu cubebi yãvare nũri majicũ, põesu que aru. Quãnora caivũ “¿Ðacuyũ bãrica yõpe ãi aiyepẽ?” abevũva, coreðvaivubu jãve ðacuyure caino ãi oainope. ¹⁷ Aru quẽdeca “Jãve ðacuyumu”, arejaquemavũ Jũmenijicũ, jãðovacuyũ parũrõre ãi coyũino mãcarõre. Jũmenijicũcapũravũ ye oatũvabebi ãi dãpiainore ãi ðaiyũede. Diede coreðvare ðaiyũrejaquemavũ ina ãi mearo ðacaĩmara mãrajivũre yõpe ãi aiyẽ bãquepe. Que baru, “Yãvacari jãðovacuyumu jãvene ‘Jãve baju ðacuyumu’, ji aiyẽ bãquepedeca”, arejaquemavũ Jũmenijicũ.

¹⁸ Jũmenijicũ “Jãve ðacuyumu yu”, ãi aiyẽ ye oatũvaiyẽ buojabevũ cainũmũa. Aru, “Yãvacari jãðovacuyumu jãvene ‘Jãve baju ðacuyumu’, ji aiyẽ bãquepedeca”, ãi aiyẽ mãre ye oatũvaiyẽ buojabevũ cainũmũa. Diena ye borocũrĩ buojabebi Jũmenijicũ. Que baru maja Jũmenijicũ põevatamu, cũinã ðajocavũ bãcavũ caiyẽ maje ãmeina teni ðaiyũede aru ãi meadãimara curivũ maje ãmeina teiyede jarũvarĩ. Aru torojũeque napini corede nuivubu, earãjivũ Jũmenijicũ mearo ðacaquiyẽ jãve bajure majare. ¹⁹ Maja napini coreivũ diede, parũrivũbu maje ãmei aru ye ðajocabevũ maje

ju aiyede Jũmenijicũre. Que baru ãmedãimara tebevũ maje ãmei. Yõpe sacerdotevare jaboteipõesu bãcũ ecoiyẽ bãquepe no Jũmenijicũ cũramicacajẽ uracajẽ bãcarõ aperiũravũre, nopedeca ñai maje napini corenajimũ ecorejquemavũ cavarõ mearo Jũmenijicũ curõita. ²⁰ Ûrecabe Jesús. Cadatecuyũ majare, ecorejquemavũ Jũmenijicũ curõ mearoĩ maje jipoca. Aru sacerdotevare jaboteipõesu teibi yõpe Melquisedei sacerdote teiyẽ bãquepedeca.

**Jesús ãi sacerdotevare jaboteino
Melquisedec ãi sacerdote teino
mãcarõpe
(He 5.6)**

7 ¹ Ærũre ðaquijivũ mũjare ñai Melquisedede, ñamene aru aiyẽ ãi ðaiyẽ bãquede. Ñai Melquisedec Salem ãmicũrĩmarocavũ bãcavũ ne jabocũ barejaquẽmavũ. Aru Jũmenijicũ caivũ pũeno parucure memecarejaquemavũ sacerdotepẽ. Majeñecu Abraham mãcũ copaiyede ã jivũ bãcavũque ne boarĩ, vainĩ turĩburu yõbore apevũ jabovacavũjã mãcavũre, Abraham mãcure copũ nũri, jẽniarejaquemavũ Jũmenijicũre, ãi mearo ðacaquiyepẽ ayũ Abraham mãcure. ² Aru caiyẽ iye cũvede ãi ãyẽ bãquede ãi boarĩ, vainĩ tuimara mãcavũre jocarĩ, caipũcapũrũape paiyede coavarĩburu yõbore, cũinãro iye coavaiyẽ bãquecarõre jidejaquemavũ Melquisedede Abraham mãcũ. Nõpe ðarejaquemavũ Melquisedec ãi sacerdote teiyẽ bãque boje. No ãmiã Melquisedec “jabocũ mãne ðayũ” aiyũrõtamu. Aru no ãmiã Salem “cãrijimeno” aiyũrõtamu. Que baru jabocũ mãne ðayũ aru cãrijimene ðayũ barejaquẽmavũ ñai Melquisedec. ³ Põesu cubebi yẽde coreðvayũ Melquisedei pacũ bãcũ borore, aru ãi paco bãcoi borore, aru ãi ñecuva mãcavũ ne borore mãre. Ñame majibema ãi põeteino mãcarõra aru ãi yaino mãcarõra mãre. Que baru Jũmenijicũ mãcũpe pãyũ sacerdotebe cainũmũa, ñai Melquisedec.

⁴Me majivũ maja ñai Melquisedec maje puedaimure majeñecu Abraham mácu pueno. Abraham mácu barejaquémavũ majeñecu mamacu bácu, maja Israecavũ maje pøeyajuboare báyu bácu. Que baru ù mácu maje puedaimũme. Ñbenita ù mácuvacari Melquisedede jídejaquemavũ no cüináro iye coavaiye báquecarõ mearo bajure, ùi íye báquede caipũcarũgũape paiye coavaiye báquede ùi boarí, vainí tuimara mácavure jocarí, ùi jíquiyepe ayũ diede Jũmenijicu.

⁵Aru me majivũ maja apevũ ina Abraham mácuĩ pãramesu bácu Leví ãmicucu bácuĩ pãramenacavũ Jũmenijicure memecaipõeva mácavure sacerdotevape. Na mácavurecabu Jũmenijicui jacorpõcõjeimara mácavũ caivũ apevũ Israecavũ bácvũ, majeñecuva mácavure cüináro iye caipũcarũgũape paiye ne cuvæ coavaiyecarõre, yõpe Jũmenijicui ñaicõjeiyepe ùi coyũie báquede Moisés bácvure. Ina Israecavũ bácvũ névũ bácvũvacari, Abraham mácuĩ pãramena mácvũvacari, ina sacerdoteva bácvũ cuvæde jacorpũrejaquemavũ na mácavure.

⁶Ñbenita Melquisedecapũravũ Leví bácuĩ pãramesu ãmescuvacari, Abraham mácvure, ñai Jũmenijicu “Jãve mearo ñacacuyũtu yũ mure”, ùi aimũ mácvure, jacorpũrejaquemavũ no cüináro iye caipũcarũgũape paiye ùi cuvæ coavaiye báquecarõre, Abraham mácuĩ jíye báquede Melquisedede. Aru Melquisedec jẽniarejaquemavũ Jũmenijicure, ùi mearo ñacacuiyepe ayũ Abraham mácvure. ⁷Caivũ põeva coreóvaivũbu iyede: Puedaimũtame ñai jẽniañũ Jũmenijicui mearo ñacacuiyepe ayũ apesure ùi jẽniacaimũ pueno.

⁸Apede máre me majivũ maja. Caivũ ina sacerdoteva Leví bácuĩ pãramenacavũ bácvũ barejaquémavũ yainájivũ. Ne cuvæde ijãravũ Jũmenijicure memecarí jacorpũrejaquemavũ névũ bácvũĩ jíye coapa na mácavure cüináro

iye caipũcarũgũape paiye ne cuvæ coavaiyecarõre. Ñbenita caivũ ina sacerdoteva bácvũre dajocaiye jaũrejaquemavũ ne memecaiyede, ne yaiye boje. Caivũ ina sacerdoteva bácvũ ne bucuteni yainíburu yóbore, apevũta ne memecaino mácarõre memecarejaquemavũ. Ñbenita Jũmenijicu ùi yãvaiyede toivaicõjemenejaquemavũ Melquisedei yaiye báque borore. Que baru Melquisedecapũravũ yaibécupe páyũbe. ⁹Ina sacerdoteva bácvũ Leví bácuĩ pãramenacavũ bácvũ jacorpũrejaquemavũ névũ bácvũĩ jíye coapa na mácavure cüináro iye caipũcarũgũape paiye ne cuvæ coavaiyecarõre. Aru Leví bácu Abraham mácuĩ pãramesu barejaquémavũ. Que baru Abraham mácuĩ jíye báquede no cüináro coavaiye báquecarõre iye caipũcarũgũape paiye iye cuvæ ùi íye báquede ùi boarí, vainí tuimara mácavure jocarí, yõpe barejaquémavũ Leví bácu máre ùi jíye báquepe.

¹⁰Melquisedei copũ nuíye báquede Abraham mácvure, Leví bácu Abraham mácuĩ pãramesu bacuyú boje, yõpe barejaquémavũ Leví bácu põtebecu bácvũvacari cãreja, aru caivũ apevũ Abraham mácuĩ pãramena márajivũ máre, ne cuvæpe néñecu mácvure Jũmenijicui jáinoi.

¹¹Jũmenijicu coyũrejaquemavũ ùi ñaicõjeiyede Moisés bácvure, Israecavũ bácvũ ne majinajiyere ayũ aipe ñaiye jaũrõre na mácavure, boropatebenajivure Jũmenijicui jáinoi. Que teni Jũmenijicu epedejaquemavũ Aarón mácvure aru ùi pãramena mácavure, Leví bácuĩ pãramenacavũ bácvũre, ne jínajiyere ayũ úre põeva ne jícaiyede ne ãmeina teiye boje. Ñbenita ina sacerdoteva bácvũ, Aarón mácvũjã, ñamene ye boropatebevũ teni jebeni oabedejaquemavũ. Que baru caiye iye Jũmenijicui mearo ñacacuiyede põevare ye ñabedejaquemavũ Jũmenijicu ina sacerdoteva bácvũ, Aarón mácvũjãque. Ne boropatebevũ teni jebedu põevare,

apescu sacerdote ñi daiye jaubejebu. Ñbenita apescu sacerdote, Aarón mácsupe páyũ ãmescu quénora Melquisedepe páyũ, ñi daiye jaurejaquemavũ, ñi boropatebevũ teni jebequiyepe aiye pöevare.

¹² Aru apescu sacerdote ñi daiye jaué báque boje, oatuvaiye máre jaurejaquemavũ iye ñaicöjeiyede, iyeque pöeva ne majinaiyepere aiye aipe ñaiye jaure ñáre, boropatebenajivure Jümenijicu jái noi. ¹³ Ñai apescu sacerdote ñi bororã toivaicöjenejaquemavũ Jümenijicu ñi yáviyede. Ñrecabe maje jabocu. Leví bácuĩ pãramecu ãmemi. Quénora apējajubo pöējajubocacube ñ. Aru ye pöescu cubebi diyajubocacu sacerdotepere Jümenijicure memecayũ. ¹⁴ Me majivũ maja maje jabocu Jesucristore Judá bácuĩ pãramecure. Que baru Judá ãmicuriyajubocacu pöetedejaquemavũ ñ. Ñbenita Moisés bácu, ñi coyuiyede sacerdotevarã, ye coyubedejaquemavũ diyajubocavũ Judá ãmicuriyajubocavũ.

¹⁵ Me majivũ maja iye ñaicöjeiyede oatuvaiye jauéde apescu sacerdote ñai Melquisedepe páyũ ñi daiye báque boje. ¹⁶ Jümenijicu ñre sacerdoteva epedejaquemavũ. Ñbenita nópe ñabedejaquemavũ no ñaicöjeino mácarõ paruéque, Aarón mácsure aru ñi pãramena mácsure memecaicöjeino mácarõ paruéque. Quénora ñi cainũmua sne paruéque, ñi yaibé boje, Jümenijicu ñre sacerdoteva epedejaquemavũ. ¹⁷ Que baru Jümenijicu ñi yáviyede, yópe arĩ, toivaicöjenejaquemavũ:

Cainũmua sacerdote tecũyũtu mũ dajocabecũva, yópe Melquisedec ñi sacerdote teiye báquepedeca dajocabecũva, arejaquemavũ Jümenijicu.

¹⁸ Que teni Jümenijicu oatuvarejaquemavũ “Yópe ñarãjare”, ñi aino mácarõre pöevare. Iye ñaicöjeiyequẽ ñi coyuiye báquede Moisés bácsure pöeva boropatebeni buojabenama na. Diedecabu parube aru bojecube máre. Que baru

iye javeque ñaicöjeiyede dajocarĩ jaruvarejaquemavũ Jümenijicu. ¹⁹ Pöeva ne cuede Jümenijicueque yópe náre jauépe eabenama na iye ñaicöjeiyequẽ. Ñrarõ jauvũ náre, ne ñaiye majibe boje caiye diede. Ñbenita iye napini coreniduiye báquede iye mearore maje cũvajuroede Jümenijicueque dajocarĩ, caride pũeno baju napini coreivũbu maja iye mearore maje cũvarãjiyede Jümenijicueque. Jümenijicu napini corede ñaibi majare, maje curãjiyepere ayũ ñque yópe majare jauépe. Que baru yópe maje joabejinoi nuiyepere ñi yebai, ñre jëniari eaivũbu maja jidũbevũva.

²⁰ Aru Jümenijicu epeiye báquede ñai apescu sacerdoteva, “Jãve ayũbu. Ji aiye báquepedeca dacũyũtu”, arejaquemavũ ñ. Ñbenita ñi epeiye báquede apenvũ sacerdotevava Leví bácuĩ pãramenacavũ bácsure “Jãve ayũbu”, abedejaquemavũ ñ. ²¹ Jesucristorecabe Jümenijicu epeimũ mács sacerdoteva, “Jãve ayũbu”, ñi arĩ coyuiye báqueque. Yópe arĩ, toivaicöjenejaquemavũ:

Maje jabocu Jümenijicu “Jãve baju dacũyũtu yũ yópe ji aiye báquepedeca”, aibi ñ. Aru ye oatuvabecube ñ, “Dacũyũtu”, ñi arĩ dápiayede. Yópe arĩ, coyui: “Cainũmua sacerdote tecũyũtu mũ”, arejaquemavũ Jümenijicu Jesucristore.

²² Jümenijicu “Jãve ayũbu”, ñi aiye báque boje ñi epeiye báquede Jesúre maje sacerdoteva, mearo bajubu yo ñi “Yópe ñarãjare”, ñi aino mácarõ yóbocarõ no ñi “Yópe ñarãjare”, ñi aino mácarõ javacarõ pũeno. Que baru Jesúrecabe jãve ñayũ caiyede yópe ñre jauépe, maje curãjiyepere ayũ me Jümenijicueque.

²³ Aru ñi javacarõ aino mácarõque, ina sacerdoteva bácsavũ Leví bácuĩ pãramenacavũ bácsavũ obedivũ barejaquémavũ, ne yaiye boje. Caivũ ina sacerdoteva bácsavũ ne bucuteni yainĩburu yóbore, apenvũta ne memecaino mácarõre memecarejaquemavũ. Ne yaiye boje, ye

memecare nuivü buojabedejaquemavu na mácavu caivü. ²⁴Ûbenita Jesúcapüravu cubi cainumua, ñi yaibé boje bediöva cojedeca. Apecu ye memecabecube ñi memecaiyede ñi baju memecare nuive boje cainumua. ²⁵Que baru cainumua jaubecüva meadayu buojaibi caivü maja vorí eaiyürivüre maje curäjiyede me Jümenijicüque yópe majare jauépe, Jesúí cadateiye boje majare, maje cüvaräjiyepe ayu caiye iye Jümenijicüí mearo ðacaqiyede majare. Jesüs cubi cainumua, jëniacacüyu Jümenijicüque majare boje.

²⁶Que baru Jesúrecabe ñai sacerdotevare jaboteipöescu majare jaumü baju. Ûrecabe ðayu caiye ñre jauéde, cadatecüyü majare. Ûrecabe meacu baju Jümenijicüí jáinoi aru ye ðabecu ámenore, Jümenijicüí ùbenore. Ûrecabe ye ámeno cubecu aru cücu bácvavacari ijärvüí ámeina teipöevaque ye ámeina tebecü cainumua. Ûrecabe Jümenijicüí jánuóimü mácu pu cavarö mearoi ñi curöita aru ñi parüre ðaimü caivü püeno. ²⁷Apevu sacerdotevare jaboteipöevape páyu ámemi ñ. Ñi ámeina tebe boje, jícaiyé jaubevü ñre jícaiyede Jümenijicüre ñi baju ámeina teiye boje järvüa coapa yópe apevü sacerdotevare jaboteipöeva bácvavü ne ðaiye báquepe. Na mácvavacüravü, apenümu jícarí aru apenümu jícaicöjени apevü sacerdoteva bácvavüre, jícvarejaquemavu ne jícaiyede Jümenijicüre järvüa coapa. Mamarümüre ne baju ámeina teiye boje aru no yóbore caivü pöeva névü bácvavü ne ámeina teiye boje, áimara ne boaimara mácvavüre juarí jícvarejaquemavu na mácavu. Ûbenita Jesúcapüravu cüinára jícarejaquemavu ñi jícaiyede Jümenijicüre caivü pöeva maje ámeina teiye boje. Ñi bajure jícarejaquemavu ñ, ñi yaiye báquede majare boje.

²⁸Ûmüva parübevü bácvavürecabu ne ümei, ne ðaiye majibe boje yópe Jümenijicüí uröpe, Jümenijicüí epeimara mácavu sacerdotevare jaboteipöevava ñi

ðaicöjeiyeque ñi coyüiye báquede Moisés bácvüre. Na mácvavüre jaurejaquemavu cáreja, ne ðaräjiyepe aye yópe na mácvavüre jauépe. Ûbenita obediüjua yóbore iye ðaicöjeiyede dajocarí jarüvacüyü, Jümenijicu “Jäve baju ðacüyümu yu yópe ji aye báquepedeca”, ñi aino mácaröque, epedejaquemavu mamacüre sacerdotevare jaboteipöescüva. Aru ñai mamacüre ye jaubevü, ñi ðaquiyepe aye yópe ñre jauépe. Que baru ñrecabe cücu yópe ñre jauépe, aru ðayu caiyede yópe Jümenijicüí uröpe cainumua.

Jümenijicu “Que ðaräjare”, ñi aino pöevare Jesúque püeno mearo ñi que aino mácaröre Moisés bácvüque
(He 1.13)

8 ¹Caiye iye ji toivacaiye müjare yópe aiyürötamu: Maje sacerdotevare jaboteipöescu cubi, nópe ji coyüiye báquepedeca javede. Ûrecabe dobacu bácu, jabotecüyü cavarö mearo Jümenijicüí curöi, jípacu Jümenijicu parücu caivü püeno ñi dobarö mearo meapüravüí. Que baru maje sacerdotevare jaboteipöescu Jesús máre jaboteibi Jümenijicüque.

²Majeñecüva mácavu ne cuede pöescubenoí cüvarejaquemavu náque ðiñami cürami ne áimacajeaque ne ðaiñami mácarö, iveá cüravea báque Jümenijicüí ðaicöjeiye ñi coyüiye báquede Moisés bácu toivainoque ne curiñami mácarö, ne Jümenijicüre mearore jíñami mácaröre. Ûbenita Jesúcapüravu Jümenijicüre memecabebi ðiñami, pöeva ne ðaiñami mácarö jívüí. Quénora ñrecabe sacerdotevare jaboteipöescu Jümenijicüre memecayü cavarö mearo Jümenijicüí curöi. Nore cüvu Jümenijicüre mearore jíñami baju, Jümenijicüvavacari ñi ðaiñami. ðiñami jívüita Jümenijicüre memecaibi Jesucristo.

³Jümenijicu epedejaquemavu caivü sacerdotevare jaboteipöeva bácvavüre, ne memecaräjiyepe ayu ñre pöevare boje. Ñre memecarejaquemavu jícaivü

Jūmenijicure āimara ne boaimara māvavure juaiyede, nācavu aru ne baju märe āmeina teiye boje, ũi nājiye đabequiyeye aivū na māvavure die boje, aru ape jīcaiyede märe, pueđarī Jūmenijicure torojuede jīnājivū, ũi cađateiye bāque boje na māvavure. Que baru Jesucristore märe, maje sacerdotevare jaboteipōecure, jīcaiyē jauvu Jūmenijicure ũi jīcaiyede. ⁴Ūi cue boje cavarō mearo Jūmenijicui curōi, nore memecaibi Jūmenijicure majare boje. Ūbenita ũ cūcū baru ijāravui, ye sacerdote āmejebu, Jūmenijicui epeiye bāque boje apevu ijāravūcavu sacerdotevare, ne jīcarājiyeye ayū caiye iye jīcaiyede, yōpe Jūmenijicui đaicōjeiyeye Leví bācui pāramenacavu bācavure, ũi coyūiye bāquede Moisés bācure.

⁵Nācapūravu Jūmenijicure memecarejaquemavu ijāravūcadāmi, Jūmenijicure mearore jīnami mārārō jīvui. Ūbenita ne memecaiye bāquebu quénora majiēda ārojaepe pāriduiye Jesúi memecaiyeye cavarō mearo Jūmenijicui curōi. Cūināturu āmevu. Yōpe bótaiyede pōescui decocū jāve āmepe, nopedeca ijāravūcadāmi Jūmenijicure mearore jīnami mārārō jāve āmenejaquemavu. Coreóvaivūbu maja caiye cavarō mearo Jūmenijicui curōique jāvene aru ye jaubede, ũbenita caiye ijāravūque jāve āmene aru jauéde, Jūmenijicui yōpe coyūiye bāque boje Moisés bācure. Moisés bācu barejaquémavu dīnami Jūmenijicure mearore jīnami mārārōre đaicōjecūyū. Aru ũi đaicōjequiyē jipocamia, Jūmenijicu, yōpe arī, coyūrejaquemavu ũ māvure: “Me đajacu mū. Caiye mi đaicōjequiyede memeipōevare yure mearore jīnāmine đaicōjējacu yōpe ārojaepe paiyede iye ji jāđovaiye bāquede mure no cūrācū Sinai āmicuricū pūenoī”, arejaquemavu Jūmenijicu.

⁶Ūbenita caride Jesúcapūravu, Jūmenijicui epeimū māvū sacerdoteva, me baju memecaibi apevu sacerdoteva

bācavu ne memecaiye bāque pūeno. Ūi memecaiyebu parué baju ne memecaiye bāque pūeno. Quédeca iye Jūmenijicu “Que đarājare” arī, ũi yóboque coyūiye bāquebu pōevare Jesúque, me baju ānié “Que đarājare” arī, ũi mamarūmūque coyūiye bāque pūeno Moisés bācūque. Jūmenijicu “Que đarājare” arī, ũi coyūiye bāquede Jesúque “Yōpe đacacūyūmu yū mūjare”, ũi aiyē bāquebu me baju “Yōpe đacacūyūmu yū mūjare”, ũi aiyē bāque pūeno ānié “Que đarājare”, ũi coyūiye bāquede Moisés bācūque. Moisés bācūque “Mūje āmeina teiyede jarūvācūyūmu yū, mūje đaru yōpe ji đaicōjeiyeye”, arejaquemavu. Ūbenita Jesúque “Mūje āmeina teiyede jarūvarīburu yóboi, ye ārūmecūbu yū diede, mūje ju aru Jesucristoi đacaiye bāquede mūjare boje”, arejaquemavu. Que baru ũi yóboque coyūiye bāque me bajutamu ũi mamarūmūque coyūiye bāque pūeno.

⁷Ānié Jūmenijicui mamarūmūque coyūiye bāque Moisés bācūque jaubedu, ape ũi yóboque coyūiye bāque Jesúque jaubejebu. ⁸Ūbenita Jūmenijicu jārejaquemavu Israecavu bācavure boropateivūpe ne đabe boje yōpe “Que đarājare” arī, ũi mamarūmūque coyūiye bāquere na māvavure. Que baru na māvavure, yōpe arī, toivaicōjēnejaquemavu Jūmenijicu:

Yōpe aibi maje jabocu Jūmenijicu:

“Jápijarā. Apejāravua edaquijāravua baquiyéde bediōva cojedeca ‘Que đarājare’, acūyūmu yū ape coyūiye mamae coyūiyede caivū ji pōevare, Judá āmicurijajubocavure aru apevu Israel bācui pāramena ne yajuboacavure märe. ⁹Nēñecūva māvavure ‘Que đarājare’ arī, coyūrejacacu yū no jāravū bācarōre ji nūvaiye bāquede na māvavure Egipto āmicurijoborōre jocarī. Yōpe népascui nūvaiyeye mamarare đuibājie, ne pūruáre jēni, nopedeca na māvavure nūvarejacacu yū no ocofenibo bācarōque. Ūbenita ye đabedejaima na māvavu yōpe ‘Que

darājare’ arī, ji aiyē bāquepe. Que baru ne mácavure āmeina jārī dajocarejacacu yu. Iye ji yóboque soyūiye ‘Que darājare’ arī, ānié ji mamarumūque soyūiye bāquepe cūináturu āmequiyebu. Nópe ayūbu yu, Jūmenijicu. ¹⁰Que baru yópe ‘Que darājare’ arī, soyūcyūmu yu caivu Israel bācui pāramena mārājivū ne yajuboacavure”, aibi Jūmenijicu. Aru yópe are nuimi maje jabocu Jūmenijicu: “Apejāravua edaqijāravua baquiyéde ne mārājivure dāpiare đacuyūmu ji đaicōjeiyeda yópe ji epejūroepedeca diede ne ūmei. Aru me coreóvare đacuyūmu diede máre yópe ji toivajūroepedeca diede ne ūmedurā, torojueque ne darājīyepē ayu diede. Yūrecabu ne jabocu bacuyú. Aru nárecabu ji jaboteimara mārājivū. ¹¹Dinūmu maquinóre caivu pōeva me majinajarama yūre ne jabocuva. Ina parubevū aru ina parūrivū máre majinajarama yūre ne jabocuva. Que baru űnamene bueiye ye jaubequiyebu űi ĩmarocavure aru ű jinare máre, ne coreóvarājīyepē ayu yūre ne jabocuva. Pōecu cubecube yūre coreóvabecu yūre cāreja. ¹²Náre cōmaje āroje jārī, jarūvacuyūmu yu ne āmeno đaiyede apēvure. Aru ye dāpiabecubu diede cojedeca. Aru ārumetecuyūmu yu caiye ne āmeina teiyede máre”, aibi Jūmenijicu.

¹³Jūmenijicu “Ape soyūiye mamae soyūiyede soyūyubu mūjare” ayu, aiyyurejaquemavū űi jipocaque soyūiye bāque javeque bajure aru bojecubede máre. Aru apejīe javeque tedu aru bojecubedu máre, maumejiena oatvaquiyebu.

Jūmenijicure mearore jīñami cavarō mearoi meadami űre mearore jīñami mácārō pueno ijāravūi
(Mt 26.28, 27.45)

9 ¹Mamarumūre Jūmenijicu “Que darājare”, űi soyūiye bāquede majeñecuva mácavure Moisés bācuyue

đaicōjenejaquemavū ne mácavure, ne coreóvarājīyepē ayu aipe đaiye jaūrōre, ne jīnājiyepē ayu mearore Jūmenijicure yópe űi űrōpe. Aru đarejaquemavū ne Jūmenijicure mearore jīñami mácārōre ijāravūi, jīnājivū mearore űre nore, yópe űi đaicōjeiye bāquepe. ²Mūja coreóvaivubu aipe ārojariñami đīñami cūrami mácārōre. Đīñami cūrami ne đaiñami mácārō āimacajeaque aru cuitótecajeaque đaiñami mácārō marejaquémavū. Pucatucubua curiñami mácārō marejaquémavū. Đīñami cūrami mácārōre japoporī dabūborī jocyuoaque taitōrī núvarejaquemavū majeñecuva mácavū. Cūinátucubu, űratucubu, ne mamarumū ecoitucubu, “meatucubu sacerdoteva ne Jūmenijicure memecaitucubu” āmicuritucubu bācarō marejaquémavū. Ditucubu bācarō jīvūi ānijarabo cūinājarabo pēoibua tūoijarabo bācarō curejaquemavū. Aru cūináva tūoiva bācarōra āniboa pāuboa doce paiboa bāque Jūmenijicure ne jīye bāque sacerdoteva bācavū ne ārajīye curejaquemavū. ³Ditucubua pucatucubua coricōpavitucubua bāque barejaquémavū cuitótecaje bācarōque. Dicaje bācarō ānipūravūi apetucubu quījītitucubu bācarō curejaquemavū. “pūeno baju meatucubu sacerdotevare jaboteipōecu Jūmenijicure memecaitucubu” āmicuritucubu bācarō marejaquémavū.

⁴Ānitōcu mumijuede juaitōcu úruque cūmaitōcu mácārō curejaquemavū, meatucubu ne aitucubu bācarō jīvūi. Ūbenita pūeno meatucubu bācarōcatōcu mácārō marejaquémavū. Ānitōcu adaitōcu jocutōcu úruque cūmaitōcu mácārō jīvūre aru pūenore máre, Jūmenijicu “Que darājare”, űi soyūiye bāquede majeñecuva mácavure ne ārūritōcu mácārō curejaquemavū ditucubu quījītitucubu pūeno baju meatucubu ne aitucubu bācarō jīvūi. Đitōcu mácārō jīvūi ānibū jorobū úruque cūmaibū bācarō curejaquemavū. Ānié āiye bāque, manā āmicue, Jūmenijicui jīye bāque majeñecuva

mácvure ne cve báquede pōecubeno
ne ārajiye curību bācarō curejaquemav̄.
Aru āniyo abojīyo, Aarón mácvū
tuturiteiyo bācarō, Jūmenijicūi pīaré
đaiyo bācarō, curejaquemav̄ ditōcu
mācarō jīvūi. Aru ānivea pūcavea
cūravea Jūmenijicūi đaicōjeiyeque
toivaivea báque máre curejaquemav̄
ditōcu mācarō jīvūi. ⁵Ditōcu mācarō
pūenora pūcarā pēpeimara mácvū
querubín āmicuriv̄ū ārojariv̄ū, pōeva ne
úruque đaimara mácvū curejaquemav̄.
Ina querubín āmicuriv̄ū caveá curiv̄ū
bācvū, Jūmenijicūque curiv̄ū
cainv̄m̄va. Caipūcatūrv̄vai ditōcu
moaino mācarō pūenora curejaquemav̄
na coapa, ne ārv̄rajiyep̄e aipe
Jūmenijicūi miadáro mearo curōre. Ne
caveáque taorejaquemav̄ ditōcu moaino
mācarōre, sacerdotevare jaboteipōescu
bācvū bojedacaino Jūmenijicūre
pōeva ne āmeina teiye boje. Ditōcu
moaino mācarō pūenora sacerdotevare
jaboteipōescu bācvū ūi epeino mācarō
curejaquemav̄ āimara ūi boaimara
mācvū ne jive báquede, bojedacacv̄yū
Jūmenijicūre pōeva ne āmeina teiyede.
Ūbenita caride m̄jare cov̄iye jaubev̄ū
yv̄re apejīene diñamique báquede.

⁶Diñami cūrami mācarō nōpe
barejaquémav̄. Que baru caijārv̄v̄va
coapa ditucubū v̄ratucubū ne
mamav̄m̄v̄ ecoitucubū bācarōre
ecovarejaquemav̄ ina sacerdoteva
bācvū, memecarājiv̄ū Jūmenijicūre
yōpe jauépe na mácvure. ⁷Ūbenita
ditucubū quijitucubū jiv̄v̄catucubū
bācarō jīvūi ecorejaquemav̄ ūai
sacerdotevare jaboteipōescu bācvū
quécv̄ra. Aru v̄jv̄á coapa cūinájārv̄v̄
quénora ecorejaquemav̄ ūi mácvū. Aru
ūi ecoiyede nore, pūv̄arejaquemav̄
jivede, āimara ūi boaimara mácvū ne
jive báquede, jicv̄yū Jūmenijicūre. Ūre
jidejaquemav̄ iye jive báquede ūi baju
āmeina teiye boje aru pōevare boje máre,
ne āmeno đaiye báquede, majibev̄v̄va ne
baju āmeina teiv̄re.

⁸Caiye dieque ūai Esp̄iritu Santo
coreóvare đarejaquemav̄ pōevare

iyede: Ānitucubva pūcatucubva
cve báquede Jūmenijicūre mearore
jīñami mācarō jīvūi, apēv̄ pōeva
sacerdotevare jaboteipōescu āmev̄ū
būojabedejaquemav̄ ecoiv̄ū ditucubū
pūeno baju meatucubū bācarō jīvūi.
⁹Caiye dieque, yōpe jādovainope,
coreóvav̄v̄bu maja aipe vaiyede caride.
Sacerdoteva bācvū caiye iye ne jicaiye
báqueque Jūmenijicūre āimara ne
boaimara mácvure ne juaiye báquede
aru apejīe ne jicaiye báquede máre,
ye jāve baju cadatebedejaquemav̄
pōevare. Caiye dieque ye “Boropatebev̄ū
yv̄”, arī đápiarī būojabedejaquemav̄
ina Jūmenijicūre mearore jiv̄ū bācvū.
¹⁰Na mácvūcapūrv̄v̄ quénora
ju arejaquemav̄ iye đaicōjeiyede,
Jūmenijicūi cov̄iye báquede Moisés
bācv̄re, pōeva ne jārī būojaiyede, aipe
ne āiyede, aipe ne ūcuiyede, aipe
ne joaiyede ne cv̄vede, aru aipe ne
cuyaiyede ne bajure máre. Dieque
curejaquemav̄ pōeva Jūmenijicūque pū
“Que đarājare” arī, ūi yóboque cov̄iyyeta.

¹¹Ūbenita javede Cristo
darejaquemav̄. Maje sacerdotevare
jaboteipōescube ū, maje cv̄varājiyep̄e
ayū caiye iye Jūmenijicūi mearo
đacaiye jāvene. Yōpe ijārv̄v̄cav̄ū
sacerdotevare jaboteipōescu bācvū
ūi vaiye báquepe no meatucubū
sacerdoteva bācvū ne Jūmenijicūre
memecaitucubū bācarōre, ecosv̄yū no
pūeno baju meatucubū sacerdotevare
jaboteipōescu bācvū Jūmenijicūre
memecaitucubū bācarōre, nopedeca
vaidējaquemav̄ Cristo apetucubū
meatucubū baji. Ūbenita ditucubūbu
parūritucubū ijārv̄v̄catucubū pūeno
baju meatucubū bācarō pūeno. Aru
jaubetucubūbu ijārv̄v̄catucubū pūeno
baju meatucubū bācarō pūeno. Ditucubū,
Cristoi memecaitucubū, pōeva ne
đaitucubū āmev̄ū. Aru cv̄đaitucubū,
ijārv̄v̄catucubū máre āmev̄ū. ¹²Cristo
ecorejaquemav̄ no tucubū pūeno
baju meatucubūre. Ūbenita cabrava
bācvū ne jive báqueque aru oteiv̄escu
mamajina mácvū ne jive báqueque

máre ecobedejaquemavũ ã. Quénora ecorejaquemavũ ãi jive bajuque, jícasũyũ diede Jũmenijicũre pœvare boje. Que teni cũinára quénora ecorejaquemavũ. Aru yópe pœcũ bojedacarĩ jodeni meadaiyepe buoimara mácavũre, nopedeca Cristo bojedacarĩ jodeni meadarejaquemavũ majare, maje ãmeina teiyeque buoimarape tede ðaiye báquede jocarĩ ãi jiveque.

¹³Majeñecua mácavũ ne jēni jáiye báquede yaiyú báciu baju búcarõre aru apede ne ðaiye báquede máre Jũmenijicũi ubede, na mácavũ ecoicõjememara marejaquémavũ Jũmenijicũre mearore jíñami mácarõ jívũi. Ne que ðarĩburu yóboi, sacerdoteva báciuvũ jajiédejaquemavũ na mácavũre cabrava báciuvũ ne jive báquede apenũmũa, aru oteivecũva báciuvũ ne jive báquede apenũmũa, aru apenũmũa oteivecũco ne boarĩ juaimo mácoi ũapena máquede ocoque. Que teni ina sacerdoteva báciuvũ majeñecua mácavũre buojare ðarejaquemavũ jívũ mearore Jũmenijicũre bediõva cojedeca. Ne baju puenomia boropatebevũ barejaquémavũ Jũmenijicũi jáinore. Ŭbenita ne ũmei boropateivũ barejaquémavũ cãreja. ¹⁴Ŭbenita Cristoi jive meiyē báque boje ãi yainũmũ mácarõre majare boje, pũeno baju caðateibi majare Jũmenijicũi jáinore. Me jáñũme majare Jũmenijicũ Jesũi jiveque ãi jáiye báque pũeno majare ãimara ne boaimara mácavũ ne jive báqueque. Ñai Espĩritu Santo cainũmũa cũcũ parũre ðarejaquemavũ Cristore, ãi boarĩ jarũvaicõjequiyepe ayũ ãi mauvare ãi bajure. Que baru Jũmenijicũre jícaiyepe tedejaquemavũ ã. Ye ãmeno cubecũva aru jaubecũva ãi baju jícarejaquemavũ Jũmenijicũre majare boje. Yópe joaiyepe docũcuede ocoque, nopedeca Cristo joaiyepe ðaibi maje ãmeũmene aru maje dápiaino ãmenore maje ãmeina teiye boje, “Boropatebevũ yũ” maje arĩ dápiarĩ buojarãjiyepe ayũ. Iye maje ãmeina teiye boje maja coavajũromaramu Jũmenijicũre jarũvarĩ.

Nópe ðacarejaquemavũ Cristo majare boje, maje mearore jíni memecarãjiyepe ayũ ñai Jũmenijicũ arũcũre.

¹⁵Cristoi yaicáiye báque boje pœvare, Jũmenijicũ coyũrejaquemavũ “Que ðarãjare” arĩ, ãi yóboque coyũiye báquede Cristoque. Que baru Jũmenijicũ mearo ðacacũyũme caivũ maja ãi cutuimara mácavũre ã jina márajivũva. Ina yaivũ báciuvũre Cristoi yaiquĩye jípcacai máre mearo ðacacũyũme ã. Na mácavũ ãi mearo ðacaimara marajãrama cainũmũa yópe “Jãve mearo ðacacũyũme yũ mũjare”, ãi aiye báquepedeca na mácavũre. Pœva ne cũe báquede Jũmenijicũ “Que ðarãjare” arĩ, ãi mamarũmũque coyũiye báqueque, boropateivũ barejaquémavũ Jũmenijicũi jáinore ne ãmeina teiye boje. Ŭbenita Cristoi yaiye báquede, yópe bojedacarĩ jodeni meadaiyepe tedejaquemavũ pœvare maje ãmeina teiyeque buoimarape tede ðaiye báquede jarũvarĩ, Jũmenijicũi ãrumetequiyepe ayũ diede.

¹⁶Yópebu apenũ pœva ne ðaiye: Cũinácũ pœcũ pœva ne jáipaiyede coyũru ne ãmiãre ina cũvarãjivũre ãi cũvaede ãi yainĩburu yóbore, náre jáðovaiye javũvũ yaiyú báciu, ne cũvarãjiye jípcacai ãi cũvaede. ¹⁷Ñai coyũyũ báciu yaibécũ cãreja, ãi coyũiye báque bojecũbevũ ina ne ãmiãre coyũimara mácavũre. Quénora ãi yainĩburu yóboita náre bojecũvũ ãi coyũiye báque die.

¹⁸Quédecabu Jũmenijicũ “Que ðarãjare” arĩ, ãi coyũiyeque. Que baru ãnié “Que ðarãjare” arĩ, ãi mamarũmũque coyũiye báquede pœvare Moisés báciuque máre, ãimara ne boaimara mácavũ ne jive báqueque búrejaquemavũ. Aru iye jive cũbe báque baru, búbejebu die báque.

¹⁹Mamarũmũre Moisés báciu coyũrejaquemavũ majeñecua mácavũre caiye iye ðaicõjeiyede Jũmenijicũi toivaquino mácarõ diveá cũravea báqueda. No yóbore oteivecũva báciuvũ ne jive báquede ãni, aru cabrava báciuvũ ne jive báquede máre ãni ocoque jõmeni jívarĩ buojarĩ jajiédejaquemavũ ãniyoca paperayoca ãmũjũriyoca cãriãiyoca iye

ðaicõjeiyeque toivacaiyoca bácarõra aru põvara máre. Hisopo ãmicuricu jocujicu cavabua báquede puyorí buojari, cuitótemea jūarimea lana ãmicurimea máqueque buorí, ãnié jive báque ocoque jõmeni jivaiye báquede jajiédejaquemavu ù mácu. ²⁰ Aru yópe arejaquemavu: “Jūmenijicu mujare ju aicõjeimi ‘Que ðarājare’ arí, ùi coyuiye báquede, muje ðarājiiyepe ayu caiye iye ðaicõjeiyede. Iye jiveque jádovañumu yu yópe ùi coyuiye báquepedeca ðaiye jaurõre caivu mujare. Aru ù máre ùi coyuiye báquepedeca ðacuyume ù”, arejaquemavu Moisés bácu. ²¹ Quédeca diñami cūrami ne Jūmenijicure mearore jíñami mácarõra aru caiye ãnié diñamique ne mearore jíyeque báqueda máre ãimara ne boaimara mácavu ne jive báquede jajiédejaquemavu Moisés bácu. ²² Jāvetamu yópe coyuiye Jūmenijicui ðaicõjeiye ùi coyuiye báque Moisés bácu. Ûre cuve ne Jūmenijicure mearore jíyeque báquede ina sacerdoteva bácavu mearore ðarejaquemavu Jūmenijicui jáinore ne jive báquede jajiéiye báqueque, Jūmenijicure jínajivu mearore dieque bediõva cojedeca. Aru pñeno baju jive meiyé javvu. Jive memenu, Jūmenijicu ye jaruvabeni ãrumetebecube põeva ne ãmeina teiyede.

Jūmenijicu ùi jaruvari ãrumeteino põevai ãmeina teiyede Cristoi yaiye báque boje
(He 1.13)

²³ Die ijāravuque Jūmenijicure mearore jíñami mácarõque cuve báquede mearore ðare ðaiye jaurējaquemavu majeñecuva mácavu ne ecorí buojarājiiyepe aiye no mácarõre, nópe ji jave coyuiye báquepe. Diedecabu quénora majiéda ãrojaepe párdiuiye iye cavarõ mearo Jūmenijicui curõque ùre mearore jíñamique. Cūináturu ãmevu. Que baru pñeno baju me jícaiye javvu die cavarõ mearo Jūmenijicui curõque cuvede, mearore ðaquiiyepe aiye, põeva maje ecorí buojarājiiyepe

aiye nore. ²⁴ Ûbenita Cristocapūravu ecobedejaquemavu diñami cūrami Jūmenijicure mearore jíñami põeva ne ðaiñami mácarõ. Diñami cūrami mácarõ jáve baju ãmenejaquemavu. Quénora majiéda ãrojaepe párdiuiye báquebu ãniñami cūrami Jūmenijicure mearore jíñami jáve baju cavarõ mearo curiñamiye. Quénora ecorejaquemavu cavarõ mearo Jūmenijicui curõ baju. No Jūmenijicu yebai caride cubi, jēniacacuyu Jūmenijicupe maje boje, ùi cadatequiiyepe ayu majare. ²⁵ Caiñua coapa maja judfova maje sacerdotevare jaboteipõecu bácu ecorejaquemavu ditucubu pñeno baju meatucubu ùi Jūmenijicure memecaitucubu bácarõ jívu ãimara ùi boaimara mácavu ne jive báqueque, ùbenita ùi baju jive báque ãmeque. Ûbenita Cristocapūravu ecovabedejaquemavu pñeno baju meatucubure obedinmua jícuu ùi bajure. ²⁶ Que teyu bácu baru, Cristo yaijébu obedinmua Jūmenijicui ijāravure cuéðaiye báquemiata. Quénora caride, ijāravure buojaijāravuare, maje curijāravuare, Cristo darejaquemavu ijāravui cūinára, jaruvacuyu ãmeina teiyede, Jūmenijicui ãrumetequiiyepe ayu diede, Cristo ùi bajure ùi boarí jaruvaicõjeiye báquede ùi mauvare.

²⁷ Jáve caivu põeva yainjaramu cūinára. Aru jáve maje yainfburu yóboi, Jūmenijicu coyucuyume ãrore maje curājínore jāravu cūiméjāravu baquinóre majare coapa, maje ðaiye boje maje cuede ijāravui. Apevu curājaramu cavarõ mearo Jūmenijicui curõ aru apevu curājarama toabo cūiméboi.

²⁸ Aru quédeca jáve ñai Cristo máre yaidéjaquemavu cūinára. Ûi bajure boarí jaruvaicõjēnejaquemavu cūinára, jaruvacuyu obedivu põeva, caivu Jūmenijicure ju aivu, maje ãmeina teiyede, Jūmenijicui ãrumetequiiyepe ayu diede. Aru jáve dacuyume ù ijāravui bediõva cojedeca. Ûbenita maje ãmeina teiyede jaruvacudabecuyume, diede ùi jaruvacudaiye báque boje javede. Quénora meadacudacuyume caivu

majare, úre napini coreivure, úi cuvare ðaiyede majare caiye iye Jūmenijicui mearo ðacaquiyede úi pōevare.

10 ¹Coуққийиву мўјаре аpede, мўје мајинајийеpe ауу аipe teni јауé бáқuede Jesucristoi yaiye бáқuede. Jūmenijicui ðaicōjeiye úi coуийе бáқue Moisés бáцure ye јáve бaju ámevu. Que барu iye јáve бajupe cūináturu ámevu. Quénora yópe бótaiye pōecui decocu јáve ámepe, nopedeca iye ðaicōjeiye máre јáve ámevu. Majiéda árojaepe páriđuiyebu caiye iye Jūmenijicui mearo ðacaquiyе јáve, iye maje cуvaquiyе. Cūinátururecabu sacerdoteva бáцавu ne јícaiye бáқue Jūmenijicure áimara ne boaimara máцавure ne ámeina teiye boje јáравuа coapa, цјуá coapa, caицmua. Ёbenita majeñecuva máцавu ne Jūmenijicure јícaiye бáқuede yópe úi ðaicōjeiyepe, yópe нуri earí бuojabepe Jūmenijicu yebai, ye boropatebevupe teni бuojabedejaquemavу, na máцавure јаubede tebe бáқue boje.

²Ina pōeva Jūmenijicure mearore јívu бáцавu boropatebevу бáцавu барu Jūmenijicui јáinore cūinára, cūináro iye јícaiycarō mácarōque, boropatebejebu na máцавu. Aru caiye iye ne јícaiye бáқuede Jūmenijicure dajocajebu na máцавu. ³Ёbenita quénora árure ðaimara máцавu barejaquémavу ne ámeina teiyede iye јícaiye бáқueque цјуá coapa. ⁴Oteivecуva бáцавu ne jiveque aru cabrava бáцавu ne jiveque máre Jūmenijicu ye јарувabeni árumetebecube pōeva ne ámeina teiyede. Que барu diepe paiye јícaiyeque, pōeva boropateivу cuma cāreja.

⁵Que барu Cristore úi daiye бáқue ijáравuи јaurejaquemavу, úi јícaquiyеpe айе úi bajure pōeva ne ámeina teiye boje. Aru mamarumu úi daquiyе јipocare ijáравuи, yópe arejaquemavу јípacу Jūmenijicure:

Pōeva áimara ne boaimara máцавure ne јícaiyeде мure aru ape ne јícaiyeде мure úbevу m. Ёbenita yure pōecui bajuque pōetede ðaquijivу m, ji

јícaquiyеpe ауу јi bajure мure.

⁶Caride pōeva мure ye torojure ðabema ne јícaiyeде мure áimara ne boaimara máцавu јuarí јарувaimara máцавure, pueðarāјivу мure, aru ape ne јícaiyeде máre, ne ámeina teiye boje. ⁷Aru que aríburu yóboi, arejacacу yу: “Mu, јipacу, Jūmenijicu, јáјacу. Yui cуvu yу, ðacacуyу yópe mi urōpe. Javede nópe arí, toivaicōjeneјavū mu јi borore ániyoca paperayoca úmјuriyoca cāriáiyoca mi yávaiyeque toivacaiyoca бácarōque”, arejaquemavу Cristo.

Nópe arí, toivaicōjenejaquemavу Jūmenijicu.

⁸Mamarumure Cristo arejaquemavу јípacу Jūmenijicu úbecure pōeva ne јícaiyeде úre áimara ne boaimara máцавure, aru ape ne јícaiyeде úre, aru ne јícaiyeде úre áimara ne boaimara máцавu јuarí јарувaimara máцавure, ne pueðarāјiyepe ауу úre, aru ne јícaiyeде úre ne ámeina teiye boje máre. Caiye dieque pōeva ye torojure ðabema úre. Que arejaquemavу Cristo Jūmenijicurā, Jūmenijicu јícaicōjeñу máцureca caiye iye јícaiyeде úre úi ðaicōjeiyeque úi coуийе бáқuede Moisés бáцure. ⁹Que aríburu yóboi, yópe arí, Cristo arejaquemavу јípacу Jūmenijicure: “Jáјacу. Yui cуvu yу, ðacacуyу yópe mi urōpe”, arejaquemavу. Que барu Cristo úi yaiye бáқue boje caiye ape јícaiyeде Jūmenijicure парубеpe јaure ðarí, boјecubede ðarejaquemavу. Quénora Cristo úi yaiye бáқueмиата, Jūmenijicure јícaino cūinároratamu парурō boјecurō Jūmenijicui јáinore. ¹⁰Jesucristoi yaiye бáқue boje yópe Jūmenijicui urōpe, caivу maja úre јu айvу, boropatebevу Jūmenijicui јáinore, yópe нуri eaiyepe бuojaiвубu maja Jūmenijicu yebai ye јаubede ðaimara. Yópe joaiyepe docуcuede ocoque, nopedeca Cristo јарувarejaquemavу maje ámeina teiyede, úi bajure úi boarí јаруvaicōjeiye бáқuede úi mavure cūinára.

¹¹ Maja judíova maje sacerdoteva bácapuravú coapa núrvu bácapu ðarejaquemavú ne memecaiye báquede Jūmenijicure járavua coapa. Aru ye buojabedejaquemavú memeivú cainumua. Obedinumua cūináturua ne jícaiye báquede Jūmenijicure jícarejaquemavú na mácapu coapa bedióva cojedeca. Ūbenita caiye iye ne jícaiye báqueque Jūmenijicu ye jaruvabeni ārūmetebedejaquemavú pōeva ne āmeina teiyede. ¹² Ūbenita Cristocapuravú cūinára ūi bajure jícarejaquemavú Jūmenijicure, maje āmeina teiye boje. No ūi jícaino mácarō cūinároque, Jūmenijicu cainumua jaruvarī ārūmetecuyume maje āmeina teiyede. Aru ūi bajure jícarīburu yóboi, ūi buojaiyede caino ūi memeiño mácarōre, Cristocapuravú dobarejaquemavú jípacu Jūmenijicui meapuravui, ūi cuvae boje caiye jípacui parūéde ūre, jabotecuyú caiyede. ¹³ Caride noi napini coreibi, pu jípacu Jūmenijicui epeijeta ūi mauvare ūi cuboba cāchinoi, náre vainí turī jabotecuyú. ¹⁴ Que baru cūinára ūi bajure jícaino mácarōque cainumua ye jaubede ðarejaquemavú caivú maja ūi boropatebede ðaimarare Jūmenijicui jáinore, ūi jipocateimarare Jūmenijicu yebai.

¹⁵ Aru ñai Espiritu Santo máre, yópe arī, diede ju arī, toivaicōjenejaquemavú:

¹⁶ Yópe aibi maje jabocu Jūmenijicu: “ ‘Que ðarājare’, arī councuyumu yú Israel bácu pāramena mārājivú ne yajuboacavure apejáravua edaquijāravua baquiyéde. Na mārājivure me coreóvare ðacuyumu yú ji ðaicōjeiyede yópe ji epejuropedeca diede ne ūmedurā. Aru na mārājivure ðápiare ðacuyumu diede yópe ji toivajuropedeca diede ne ūmei”, aibi Jūmenijicu.

¹⁷ Aru que arīburu yóboi, yópe are nurejaquemavú maje jabocu Jūmenijicu: Jáve ārūmetecuyumu yú caiye ne āmeina teiyede. Aru

jaruvacuyumu yú ne āmeno ðaiyede apevure. Aru ye ðápiabecubu diede cojedeca, aibi Jūmenijicu, arejaquemavú ñai Espiritu Santo.

¹⁸ Que baru Jūmenijicu ūi ārūmeteiye boje maje āmeina teiyede aru maje āmeno ðaiyede apevure, ye jaubevú bedióva cojedeca sacerdotevare ne jícaiye ūre. Āimara ne boaimara mácapvure o apejiene máre ye jaubebu caride, maje āmeina teiye boje.

**Jūmenijicu yebai yópe nuri eaiyepre
maje napini coreiyede maje baju
parure ðarī maje ūmei nure nrajare**
*(Mt 27.51; Mr 15.38; Lc 23.45;
Ro 12.19; He 13.20)*

¹⁹ Jesucristo jáve memecaibi Jūmenijicure cavarō mearoī majare boje. Que baru mūja, jívu, Jesúre ju aivú caride jidubevvua buojaivubu boroteivú maja Jūmenijicu bajuque, yópe maje ecoiyepe no curō pūeno mearo, cavarō mearo Jūmenijicui curōi. Nópe buojaivubu Jesúí jaruvaiye báque boje caiye maje āmeina teiyede ūi jive meiyé báque boje ūi yainumú mácarōre. ²⁰ Yópe ñai sacerdotevare jaboteipōescu bácu ūi ecoiye báquepe no pūeno baju meatucubu bácarō jívuī ānicaje coricōpavaicaje bácarōre ūi vaiye báque boje, nopedeca Jesúí yaiye báque boje ecoivure teivubu maja Jūmenijicu yebai. Que baru dicaje bácarō corica bají jaðeni nurejavūya Jesúí yainumú mácarōre. Que teni Jesucristo nuimape tedejaquemavú, yópe maje nuri earī buojarājiyepre ayú Jūmenijicu yebai. Jipocare ūi yebai ye nuri eaiyepre buojabedejavú maja. Ūbenita caride Jesucristo yópe nuri earī buojare ðaibi majare Jūmenijicu yebai. Que baru, “¿Nuri earī buojarājídica?” abevvua, jáve majivú maja boroteni buojaivure Jūmenijicu bajuque. ²¹ Aru Jesucristorecabe maja Jūmenijicui pōeva maje sacerdotevare jaboteipōescu, majare jári coreyú yópe cūrami upacui jári coreiyepre ūi cūramicavure. ²² Ūi

yaiye báque boje majare boje, yópe joaiyepe docucuede ocoque, nopedeca maje ámeũmene, maje dápiaino ámenore, aru maje ðaiye ámene máre joaimara mácavure paivubu maja, boropatebevu Jũmenijicui jáinore. Que baru Jũmenijicueque borotenaquarevu pucaũmea cubevuva aru maje ju aiyede úre dajocabevuva.

²³Coreóvaivubu maja Jũmenijicu jáve ðayure yópe úi aiyede báquepedeca cainũna. Que baru parúeque Jesúre ju are nũrajarevu yópe maje ju aiyede báquepedeca mamarũmure. Aru ye “Jũmenijicu ðabecube yópe úi aiyede báquepe” abevuva, napini corenajaquarevu Jũmenijicui ðacaquiyede caiye iye mearore yópe “Jáve mearo ðacacũyumu yũ mujare”, úi aiyede báquepedeca.

²⁴Torojarivũ ðaiyurájarevu yópe majare jauũore pueno méne nũre ðare nũrajivu maje baju maje úmei, caðatenajivu majacavure, aru urájivu majacavure, mearo ðarájivu náre máre. ²⁵Apevu mujacavu dajocadama ne cójijivaiye báquede apevu Jesúre ju aipóevaque. Úbenita nópe ðaiye meamevu náre. Quéno ra cójijinaquarevu maja, parure ðarájivu majacavu ne ju aiyede Jesucristore. Joabejĩnotamu añijaravu baquinó maje jabocu Jesucristoi coyũquiyede árore maje curájinore járavu cũiméjáravu baquinóre, cavaró mearoi o toabo cũiméboi, maje ðaiye boje maje cuede ijárvuvi. Que baru pueno baju parure ðarájarevu majacavu ne úmene.

²⁶Parure ðabevu baru majacavu ne úmene, bediõva cojedeca ámeina tévarãnuvajebu maja. Ámeina tede nuivũ baru, coreóvaivũvacari Jũmenijicui yáviyede jávene, ye Jũmenijicure jícaiyede cuvabejebu maja, maje ámeina teiye boje. ²⁷Quéno ra coreiye jaujebu majacavu ámeina tede nuivure Jũmenijicui ñájine ðaquiyede náre. Jũmenijicu ñájine ðacũyume caivũ úi mauvare, ina náre jaboteicõjemevu úre, ne bĩjarájipeye ayũ úre jocarĩ no toabo urabo ámebo cũiméboque. ²⁸Ácu

põecu Jũmenijicure pueðabecuva ju abecu bácu úi ðaicõjeiyede úi coyũiyede báquede Moisés bácuve jáve ñájinejaquemavu. Pũcarã o yóbecurã majidivũ bácvu apecui ju abe báquede Jũmenijicui ðaicõjeiyede ne boro coyurĩ adaiyede úre, cómaje ároje jámevũva boarĩ jarũvarejaquemavu ñai ju abecu bácuve. ²⁹Que baru pueno uraró baju ñájicũyume ñai ámeina jáũu Jũmenijicui mácuve.

Úre pueðabecuva ju abedu, “Jũmenijicui mácu ámemi” ayũ, põeva ne jápiaiye, yópebu jarũvayipepe úre. Pueno uraró baju ñájicũyume ñai “Ye baju ámevu. Ye bojecubevũ” ayũ, Jũmenijicui mácuve jive meiyede úi yaiye báquede, Jũmenijicui coyũquiyepere ayũ põevare apeno “Que ðarájare”, úi coyũiyede yóboquede. Jesucristoi jiveque joaimara mácavure paivubu caivũ úre ju aivũ boropatebevu Jũmenijicui jáinore. Úbenita ñai “Úi jivebu caivũ apevu ne jivepe” ayũ, joaimure ámemi aru boropateyũve. Que baru pueno uraró baju ñájicũyume. Aru pueno uraró baju ñájicũyume ñai ámeina yávyu ñai Espĩritu Santore, “Abujucu parúeque põeva ne ðarĩ majibede ðarejaquemavu Jesús” ayũ, Jũmenijicui mearo ðacare ðaimure bojecubeda ú jinare, úi ue boje náre.

³⁰Coreóvaivubu maja jáve ñájicũyure maje jabocu Jũmenijicu úi yópe aiyede báque boje: “Yurecavu ñájine ðacũyũ ina ámeina ðaivũ bácvure apevure. Yávacari bojedare ðacũyumu náre no boje yo ámeno ne ðaino mácarõre”, arejaquemavu. Aru yópe arĩ, toivaicõjenejaquemavu: “Maje jabocu Jũmenijicu coyũcũyume úi põevare ñájipe jauũore o ñájipe jaubede náre coapa ne ðaiye báque boje ijárvuvi”, arĩ toivaicõjenejaquemavu ú. ³¹Ñai Jũmenijicu apucu “Ñájicũyumu mu”, úi coyũimũ mácuve curu, jidojaró baju bájebu úre. Que baru pueno baju parure ðarájarevu majacavu ne úmene.

³²Arũmetebejarã muja aipe muje cuẽ báquede javede muje coreóvarĩburu

yóji boi Jūmenijicui yávaiye méne jāvene Cristorā, ūi meadaiyede majare. Dinumu mácarōre ūrārō nājīnōre napini nūavūya mūja. Ūbenita dajocabevūva ye vainí tūrī nūmeteavūya mūja. ³³ Apenūmua mūjacavūque nūri yóvanūya mūja náre, pōeva Jesúre jū abevū ne āmeina yávaiyede náre caivū ne jápiayede aru ne āmeno đaiyede náre caivū ne jáiyede máre. Aru apenūmua mūjare máre āmeina yávavūya caivū ne jápiayede aru āmeno đávūya caivū ne jáiyede máre. ³⁴ Mūjacavū jabova ne buoimarare cōmaje āroje jári, cadateivu bateávūya mūja, mūje jíyede náre jauéde. Náque nājīvū bateávūya mūja. Mūje jū aiye boje Jesúre, ina mūje mauva jēni nūvari mūje cūvaede, mūja ne ĩcaimaravacari napivū bateávūya chīomevūva. Quénora torojure nūivū bateávūya, mūje coreóvayie boje cūvarivūre caiye iye mearore Jūmenijicui jíquiyede mūjare cavarō mearo ūi cūrōi, yópe ūi aiye báquepedeca. Aru iye Jūmenijicui mearo đacaiye bojecue bajubu ijāravūque pūeno aru cūimétamu máre.

³⁵ Que baru yópe mūje jū aiye báquepedeca Jesúre jū are nūjara mūja jidūbevūva. Aru ūrārō mearo bojedainore earājaramu mūja. ³⁶ Mūje nājīyede, napiye jauédecabu mūjare, mūje jū arājīyepē aiye Jesúre yópe Jūmenijicui ūrōpe. Que teni earājaramu iye mearore ūi đacaquiyede mūjare yópe ūi aiye báquepedeca. ³⁷ Yópe arī, Jūmenijicui toivaicōjēnejacquemavū Cristorā:

Maumejiena nāi dacūyū dacūyūme. Joe corebecube ū. ³⁸ Aru ina jī boropatebede đaimara mácvū ne jū aiye boje yūre, apurājīvūbu cainūmua. Que baru coatede đabemara mārājīvūbu na yūre jarūvarī. Ūbenita apescu nácacu ūi dajocarū ūi jū aiye báquede yūre, ye torojūbecūbu yū ūque, arejaquemavū Jūmenijicui.

³⁹ Ūbenita majarecabu ye dajocavū āmevū maje jū aiyede. Que baru coatede đaimarape bījabenamū Jūmenijicure

jocarī. Quénora Jūmenijicure jū are nūri ūi meadaimaratamū maja, cūvarājīvū caiye iye mearore ūi đacaquiyede majare.

Pōeva ne jū aiye Jūmenijicure

(Ro 4.17-22; He 13.14)

11 ¹ Jūmenijicure jū aivūrecabu jāve majīdivū eare đaimara mārājīvūre iye maje napini coreiyede, maje cūvarājīyede méne Jūmenijicūque, cūvabevūvacari cāreja diede. Me majīdivūbu iye maje jāmeve cāreja jāve bajure, aru vaiquiyede jāmevūvacari cāreja diede. ² Jūmenijicū me járejaquemavū majeñecūva mácvūre ne jū aiye báque boje ūre. Aru cadatedejacquemavū na mácvūre ūi đaiye báquede pōeva ne đarī majībede.

³ Maje jū aiye boje Jūmenijicure, coreóvavūbu cūedayū bācvūre ijāravūre aru caiye ijāravūquede ūi yávaiye parūéque. Que baru caiye iye maje jári buojaiyede cuedarejaquemavū ū maje jári buojabeque.

⁴ Abel bācvū ūi jū aiye báque boje Jūmenijicure, jídejaquemavū ānié jícaiye mearore Jūmenijicui jáinore Caín mácvū jícaiye pūeno. Mearore jídejaquemavū Jūmenijicure Caín mácvū yópe ūi ūrōpe. Ūbenita mearore jídejaquemavū Jūmenijicure Abel bācvū yópe Jūmenijicui ūrōpe. Que baru Jūmenijicū “Boropatebecūbu mū jī jáinore”, arejaquemavū Abel bācvūre. Aru jacopurejaquemavū ūi jícaiye de ūre. Abel bācvū yayí bācvūvacari, majare coreóvare đabi caride aipe đaiye jauōre majare maje mearore jíyede Jūmenijicure, ūi jū aiye báque boje ūre.

⁵ Enoc ūi jū aiye báque boje Jūmenijicure, yaibédejaquemavū ū. Quénora apūscūreca ūre nūvarejaquemavū Jūmenijicū Paraíso āmicūrōi. Que baru Enoc cūbedejacquemavū cojedeca ijāravūi. Aru Jūmenijicū ūi nūvaquiyē jípocai Enore, yópe arejaquemavū ūi borore: “Yūre torojure đayūbe ū” arejaquemavū Jūmenijicū, yópe

Moisés b́acui toiwaquiye báquepedeca obediujua yóbore. ⁶Põescu ju abecu baru Jūmenijicure, ye buojabebi torojure ðayū ũre. Ácu põescu yópe nuri eaiyuere Jūmenijicu yebai, cuiyucu me ũque, borotecuyū ũre, ñai põescure ju aiye jauvu Jūmenijicu cūcure aru me bojedayure caivu ina ũre voivure, ũi caðatequiyepe aiye náre ne jēniayede ũque.

⁷Noé mácu ũi ju aiye báque boje Jūmenijicure, jiadocū uracū cūrami curicūre ðarejaquemavu yópe Jūmenijicui coyuiye báquepedeca ũ mácure, meadacuyū ũ jina mácavure muiváibore jocarī. Jūmenijicu coreóvare ðarejaquemavu ũ mácure ānié āmene vaiquíye báquede, ānié jáme máquede cāreja. Aru Noé máscapūravu jápiarī adarī ju arejaquemavu ũre. Ũbenita ijāravucavu Jūmenijicure ju abevu b́acavu Noé mácure jápiarī adabeni ju abedejaquemavu ũ mácure. Que baru Jūmenijicui ñájine ðarājimara marejaquémavu na mácavu. Ũbenita Noé mácure “Boropatebecubu mu ji jáinore”, arejaquemavu Jūmenijicu, ũi ju aiye báque boje ũre.

⁸Abraham mácu ũi ju aiye báque boje Jūmenijicure, etarejaquemavu ũi joborõre jocarī, nucuyū apejoborõita, yópe Jūmenijicui coyuiye báquepedeca ũ mácure. Jūmenijicu ũ mácure cuturī ũ jicu bacuyáva, “Mi apeno curõ mi cūquinore mure jáðovacuyūmu yu”, ũi aiye báquede ũ mácure, ārore ũi nuquinore majibecuvacari, ju arī etarī nurejaquemavu ũ, Abraham mácu.

⁹Ũi ju aiye báque boje Jūmenijicure, curejaquemavu no joborõ Jūmenijicui jíquijoborõi ũi pāramena mārājivure, yópe dijaborõcavu āmevu ne cūepe. Abraham mácu ũ jinaque, cuivu b́acavu, ũi mácu, Isaac b́acu, aru ũi pāramecu, Jacob b́acu máre, curejaquemavu āniñamia cūramia āimapodaque ðaiñamia máque jívui. Aru na mácavu máre, Isaac b́acu aru Jacob b́acu, Jūmenijicu “Mearo ðacacuyūmu yu mure”, ũi coyūimara marejaquémavu na

mácavu coapa. ¹⁰Abraham mácu napini coredejaquemavu ũi cūquiyede no ĩmaro cūiméno Jūmenijicui cainumua curiĩmaroi. Jūmenijicurecabe dápiayū b́acu aipe ārojaro maquinóre diĩmarore aru ðayū b́acu máre diĩmarore.

¹¹Abraham mácu ju aiye báque boje Jūmenijicure, parure ðarejaquemavu Jūmenijicu ũ mácure ũi jueðocuvayuiyepe ayū. Bucucu baju b́acuvacari ũ mácu aru jímarepaco Sara b́aco jueðoeabeco b́acovacari õ máco, na mácavure jueðocuvare ðarejaquemavu Jūmenijicu. Abraham máscapūravu “Jāve Jūmenijicu ðacuyūme yópe ũi aiye báquepedeca”, arī dápiarejaquemavu ũi ju ayede Jūmenijicure ðajocabecuva.

¹²Que baru ũi jueðocuvajurorore jueðocuvari buojabecu b́acu yayú b́acui bajupe cuvacu b́acuvacari, obedivu baju ũi pāramena cuma caride. Abiáovape obedivu teni, ēpayabeape obedivu máre teðama na, Abraham mácu pāramena.

¹³Caivu ina põeva mácavu ju arejaquemavu Jūmenijicure, pu ne yayieta ðajocabevuva. Eabedejaquemavu cāreja ānié Jūmenijicui jíquiye báquede yópe ũi aiye báquepedeca na mácavure. Obediujua Jūmenijicui mearore jíquiye jipocai, coreóvarejaquemavu na mácavu Jūmenijicu jāve jícyure. Que baru torojurejaquemavu iye vaiquíye boje yópe Jūmenijicui aiye báquepedeca. Coreóvarejaquemavu aipe paiye na mácavu ne cuede.

“Apenoacavu curivubu maja. Maje joborõre jocarī ðajocavubu maja”, are nuivu barejaquémavu na mácavu.

¹⁴Põeva ðeiepe paiyede aivu jāve vore nuivubu, earājivu apeno curõre, ne curājimore. ¹⁵Na mácavu ārurivū baru ne curõ mácarõre, copainuivu buojajebu na mácavu nore. ¹⁶Ũbenita quénora apeno curõ pueno mearo curõ cavarõ mearo Jūmenijicui curõre, ne pueno torojurājiye boje nore, urī, vorī, napini coredejaquemavu na mácavu. Jūmenijicu no ĩmaro mearore meadacarejaquemavu na mácavure. Que teni jáðovarejaquemavu cūyebecuva

jaboteyū na mácavure. Aru ne mearore jímu cūyebedejaquemavu ũ.

¹⁷⁻¹⁸ Abraham mácū ũi ju aiyē báque boje Jūmenijicure, nūvarejaquemavu mamacu Isaac bácure juarī jícarīducuyū ũ mácure Jūmenijicure. Jūmenijicu Abraham mácure juarī jícaicōjenejaquemavu ũi mácū baju cūinácure, Jūmenijicui majiyue boje aipe ārojaene Abraham mácui ju aiyede ũre. Abraham mácui jádovaquiyēpe ayū aipe ārojaene ũi ju aiyede Jūmenijicure, “Quévura ina Isaai pāramena marajárama mipāramena baju”, Jūmenijicu ayū bácūvacari, Abraham mácū Isaac bácure juarī jícasuyū barīdurejaquemavu Jūmenijicure. ¹⁹Yópe arī, “Jímácure ji boarī jarūvarū, Jūmenijicu nacovañū buojaibi ũre yainore jarūvarī”, arī dápiarejaquemavu Abraham mácū. Isaac bácū jípacū bácui boarī jarūvajuromū mácū barejaqué mavu. Que baru yópe nacovaimūpe páyu barejaqué mavu yainore jarūvarī. Aru caiye dieque coreóvare ðaibi majare Jūmenijicu nacovañure yaijūrorivure yainore jarūvarī.

²⁰Isaac bácū ũi ju aiyē báque boje Jūmenijicure, ũi yaiquíyē jipocamia jēniarejaquemavu Jūmenijicui mearo ðacaquiyede mamara pūcarāre, Jacob bácure aru Esaú bácure máre.

²¹Jacob bácū ũi ju aiyē báque boje Jūmenijicure, ũi yaiquíyē jipojīcai, jēniarejaquemavu Jūmenijicui mearo ðacaquiyede mamacu José bácui mára pūcarāre. No jipocai tutayu bácūvacari ũi tuturiteiyorā ũi parūbe boje, mearore jícsuyū Jūmenijicure, parúeque jēniarejaquemavu iye mearo ðacaquiyede ímacu bácure jībucu bácū pūeno, José bácū oatūvaiyūriduyū bácūvacari ũi nópe ðaiye báquede.

²²José bácū ũi ju aiyē báque boje Jūmenijicure, coyūrejaquemavu Israel bácui pāramena márājivū ne etarājjiyede Egipto āmicurijoborōre jocarī. Aru nūvaicōjenejaquemavu ũi cūa máquede, ne jarūvarājjiyēpe ayū diede

cūracobei ne copainurajiyede Canaán āmicurijoborōi.

²³Moisés bácui bucūva bácavu ne ju aiyē báque boje Jūmenijicure, yavedejaquemavu ũ mácure ne cūrami jívuí yóbecurā aviávare ũi pōeteniburu yóboi. Nópe ðarejaquemavu ñai juedocū meajicu baju boje aru na mácavu ne jidūbe boje Egipto āmicurijoborōcavu ne jabocū bácū Faraón mácure. Jidūbedejaquemavu ũi ñájine ðájūroede na mácavure, ne ðabe báque boje yópe ũi boarī jarūvaicōjeiye báquede jipocare Israel bácui pāramena ne juedova ũmūvare.

²⁴Moisés bácū ũi ju aiyē báque boje Jūmenijicure, bucūcu teyūre ũbedejaquemavu pōeva “Ñai jabocū Faraón ũi mácoi bucūvaimūme ũ, Moisés”, ne aiyede ũra. ²⁵Quénora ina Egiptocavu ne yebacavu, ũi pōeva, Jūmenijicui pōeva, ina judío vaque, ñájiyūrejaquemavu Moisés bácū. Egiptocavu ne jēneboi torojucu me cucū bácū baru ijārvavūque ũreque, Jūmenijicui ũrōpe ðabejebu. Quénora coateni Jūmenijicure jarūvarī, āmeina tejebu. Aru obebenūmuara torojūjebu ũ mácū. ²⁶Ūi dápiainope pūeno baju bojecurō marejaqué mavu ñájicuyūre pōeva ne āmeina yávaiyede ũ mácure, ũi coreóvaiye boje Jūmenijicui daroquimūre, Cristore, ũi pōeva, ina yebacavūcavu ne pāramecu bacuyūre. Que baru ina yebacavu bácavūque ñájini, cadateni, meadaiyūrejaquemavu Moisés bácū. Aru caiye ānié cavaede, Egiptoque me bajure, ũbeni jarūvarejaquemavu. Nópe ðarejaquemavu ũi napini coreiye boje caiye iye mearore Jūmenijicu jícsuyūre ũ mácure.

²⁷Moisés bácū ũi ju aiyē báque boje Jūmenijicure, etarejaquemavu Egipto āmicurijoborōre jocarī. Ñai jabocū bácū Faraón mácui jaraimū mácūvacarita etarī nūrejaquemavu Moisés bácū, jidūbecūva. Ū mácū yópe jáñūpe barejaqué mavu ñai Jūmenijicure, pōeva ne jāmemure. Que baru ũi ju aiyede ũre ðajocabecūva, etarī nūrejaquemavu.

²⁸ Ți ju aiye báque boje Jūmenijicure, ina Israel bácu pāramena mácvure jajiécōjēnejaquemavū ovejava mamajina ne boaimara mácvū jivede ne jedevacobeá pñenora aru caipñcapñravuai, ángele boarí jarvabequiyēpe ayū diñamia cūramiacavure. Nāi ángele Jūmenijicūi daroimū mácvū barejaquémavū, boarí jarvavacvū caivū ūmva ina mamarvū pōteivū curivure Egipto, jivede cuvabevva ne jedevacobeá yebai. Ūbenita ina Israel bácu pāramena mácvū ye ámedabemara marejaquémavū. Aru Moisés bácu ju aiye báque boje Jūmenijicure, Pascua ámicurō torojvū teinore búrī, oveja jiarvare búcure đaiye cube páuque āri torojvū teicōjēnejaquemavū ina Israel bácu pāramenare ūjá coapa cainvū.

²⁹ Ina Israel bácu pāramena mácvū etavū bácvū Egiptore jocarí Moisés bácvū ne ju aiye báque boje Jūmenijicure, joborōi vaivārī jaterejaquemavū no Jūariya ámicuriya jia vradá curō mácarō coricare. Ūbenita ne yóbore ina Egiptocavū jatayuriduivū bácvū nápe, ina Israecavū bácvūpe, corí nūri yaidéjaquemavū na mácvū.

³⁰ Israel bácu pāramena mácvū ecoivū bácvū Canaán ámicurijoborōi ne ju aiye báque boje Jūmenijicure, Jūmenijicū ture đarejaquemavū Jericó ámicurīimaro biaido parurido bácarōre. Siete pajjārvavū baju na mácvū ne tarabuteni jacoturīburu yóbore diimaro jedevare turejaquemavū no biaido parurido bácarō.

³¹ Rahab báco, nomió ōi baju bojedado ūmvare āmenore đado báco náque, ōi ju aiye báque boje Jūmenijicure, yaibédejaquemavū ina Israecavū bácvū ne boarí jarvaviyede arevū ōi curōcavū bácvū Jūmenijicure ju abevure. Ne meadaimo máco barejaquémavū ōi torojvū me jacyurī cađateiye báque boje ina Israecavū bácvū pñcarā ne jabocūi daroimara mácvū jārī coreóvarājivure yavenina aipe ārojarore diimaro mácarōre.

³² Coynrī buojajebū yū arevū obedivū Jūmenijicure ju aipōeva mácvure. Apejārvavū yñre curī cojióru, na mácvū ne borore coyñjebū mñjare. Coyñjebū Gedeón mácu đaiye báquede, Barac bácu đaiye báquede, Sansón mácu đaiye báquede, aru Jefté bácu đaiye báquede; aru David bácu Samuel mácvū ne đaiye báquede; aru arevū ānina Jūmenijicūi yāvaiyede coyñcaipōeva mácvū ne đaiye báquede máre, ne ju aiye báque boje Jūmenijicure. ³³ Nācvū bácvū aru arevū Jūmenijicure ju aivū bácvū máre pōeva ure ne đarī majibede đarejaquemavū, ne ju aiye báque boje Jūmenijicure. Nācvū bácvū boarí, vainí turejaquemavū apenoa joborōacavū, áđamatenanvū bácvure na mácvūque. Nācvū bácvū me jabotedejaquemavū pōevare, ne đarājiyēpe aivū mearo ne baju. Nācvū bácvū jēniarejaquemavū Jūmenijicūque, ūi cađatequiyēpe aivū na mácvūre. Aru ū cađatejaquemavū caivū ina mácvūre, yópe ūi aiye báquepedeca. Nācvū bácvū biede đarejaquemavū āimara jījecurivū, león ámicurivū, yavipe paivū ne jījecamure, ne āmenajiyēpe aivū na mácvūre. ³⁴ Nācvū bácvū jabova ne jarvvaicōjeimara mácvūvacari toabo vrbabo āmebo jívūi, éimara āmenejaquemavū. Dupini nūrejaquemavū, arevū ne totarī boarí jarvabenajiyēpe aivū nácvū bácvūre boaicaroveque. Nācvū bácvū parvbevū bácvūre parure đarejaquemavū Jūmenijicū. Churavva parurivū tedejaquemavū nácvū bácvū. Aru nácvū bácvū apenoa joborōacavū bácvū ne ñavaranviyede ne oteiye báquede jēiyede aru ne oteiāimarare máre, ina ñavaivū bácvūre cuvurī copaide đarejaquemavū ne joborōita. Nópe đarejaquemavū na mácvū ne ju aiye báque boje Jūmenijicure. ³⁵ Aru nácvū nomiva mácvū máre jacovñrejaquemavū arurivure cojedeca névū yavū bácvū

Jūmenijicui nacovaimarare. Apevu nácavu bácavu jabova ne buoimara mácavu barejaquémavu, ne ju aiye báque boje Jūmenijicure. Ina jabova bácavu churarava bécavure pare jara popeicōjenejaquemavu na mácavure. Que teni, “Muje ju abedu Jūmenijicure, jaetovarājaramu mujare”, aridurejaquemavu na mácavure ina jabova bécavu. Ūbenita ina Jūmenijicure ju aivu bécavu ye ju abevuva tedejaquemavu cainumua. Quéhora ina jabova bécavure boarí jaruvaicōjenejaquemavu na mácavure, nacajarajivu yainore jaruvarí arurivu cojedeca aru curājivu pueno baju me cavarō mearo Jūmenijicui curōi. ³⁶Apevu nácavu bécavure yurini, jara popedejaquemavu. Aru apevu bécavu pueno baju nājivure täumeaque buorí nūvarejaquemavu āmeina teivure jēni jacoīñami. ³⁷Apevu bécavure cūraboaque dūvarí boarí jaruvarejaquemavu. Apevu bécavure jocuburaiveque coriburarí boarí jaruvarejaquemavu. Aru apevu bécavure boaicaroveque totarí boarí jaruvarejaquemavu. Nópe darejaquemavu, na mácavure ju abevuva teni daridurājivu Jūmenijicure. Nácavu bécavu cuitótecajea cubevuva dorejaquemavu oveja pođaque đaicajede o cabra pođaque đaicajede. Aru na mácavu cūramia cuvabevuva vaivárejaquemavu apenoita apenore jocarí, ne curijoborōre cuvabevuva. Cūve cuvabevu baju, āiyede ye cuvabedejaquemavu. Pare nājivu baju barejaquémavu. Aru apevu ne āmeno đaimara marejaquémavu. ³⁸Caivu na mácavu, Jūmenijicure ju aivu, meara baju barejaquémavu apevu ijārvucavu pueno. Nácavu bécavu ne curō cuvabedejaquemavu. Que baru vaivárejaquemavu pōecubenoí aru cūracūai máre. Cārejaquemavu cūracobeá jívui aru jobocobeá jívui máre.

³⁹Jūmenijicu me járejaquemavu caivu na mácavure ne ju aiye báque

boje úre. Ūbenita me jáñu mácuvacari na mácavure, ne yainájiye jipoca nácavu cūinácu ye eabedejaquemavu caiye iye mearore yópe Jūmenijicu “Jāve đacacuyumu mujare”, ūi aiye báquepedeca. ⁴⁰Jūmenijicui dápiaiye boje majare máre, pueno baju métamu ūi dápiaií đacaiyue majare, ūi yóboque “Que đarājare” ūi coyuiye báqueque, ūi yópe nuri earí buojare đaiyepe ūi yebai majare aru na mácavure máre. Que baru na mácavure ye jaubede đacuyume ū majaque. Aru jaubede đabecuyume na mácavure maje cubeda.

Đaiye jauřō majare Jesúi đaiyepe yópe Jūmenijicui urōpe maje napinajiyeye aye

(1 Co 11.31-32; Fil 2.6-11; He 1.13, 2.9)

12 ¹Maje cūebu ijārvui yópe cūyaivu ne cūyaiyepe. Obedivu pōeva jáđama ne cūyaiyede. Aru ina cūyaivu cuitótecajeare dođama obebecajea ūmujubede, aru ducuéde jocarí nūvamenama, cūyarājivu maumejiena. Quédecabu majare máre. Majare jáđama ina obedivu pōeva napivu bécavu nājiyede pu ne yaiyeta, ne ju aiye báque boje Jūmenijicui yávaiyede jāvene. Que baru napedeca napinajarevu maja maje nājiyede dajocabevuva. Dajocarājarevu majare jocarí caiye iye đaicōjemene majare yópe Jūmenijicui urōpe aru caiye maje āmeina teiyede, maje đaiye cōmajiyede. Maje āmeina teiyebu yópe cuitótecaje ūmujuricaje āradoare buojmoricaje ina cūyaivu ne dajocarí jaruvaiye báquepe ne cūyarājiye jipocare. Aru iye đaicōjememu majare yópe Jūmenijicui urōpe yópe ducué ina cūyaivu ne dajocarí jaruvaiye báquepe ne cūyarājiye jipocare.

²Cainumua dápiaiřarevu Jesúre yópe maje jáimupe. Ūrecabe majare ju are đayv Jūmenijicure aru jaubede đayv maje ju aiyede Jūmenijicure máre, majare meadarí eare đayv caiye iye Jūmenijicui mearo đacaquiyede majare. Jesúvacari ūi nājiyede

napini dajocabedejaquemavu, yaiyú bácuvacarita jocsucjaravena. Põescu yaiye jocsucjaravena urarõ âmeno cuyojarõtamu, põeva ne dápaiyede. Quénora Jesúcápūravu ũi dápaiye boje iye urarõ mearo torojuede cuvacyure ũi yainíburu yóbore, âmeina jámenejaquemavu ũi yaiquíyede jocsucjaravena. Que baru ye baju âmenejaquemavu ũre iye cuyeje tede ðaiye. Aru caride dobacube, jabotecuyu, jípacu Jūmenijicu ũi dobarõ mearo meapūravu. ³Que baru me ārūjara mūja Jesúre, coreóvarājivu me aipe nājīñu mácure. Põeva âmeina teivu ũre ũbeni maucvarivu “ ‘Jūmenijicu daroimūmu yu’, borocurí aibi Jesús”, ne aipe báquede, ne ure nājine ðaiye báquede ũre jāve napinejaquemavu ũ. ũre āruri chīori parubetebejarā mūja mūje ũmei. Dajocarī jaruvabejarā mūje ju aiyede Jūmenijicure.

⁴Põeva âmeina teivu mūjare boarí jaruvabenama cāreja, mūje napiyedeca ne nājine ðaiyede mūjare, mūje âmenore ðabe boje yópe ne ðaiyepe. ⁵¿Aru ārūmetenaru mūja iye Jūmenijicu majicaiyede majare yópe mamarape? Yópe arī, toivaicōjenejaquemavu:

Mu, bucū, me jápiarí adajacu maje jabocu Jūmenijicu majicayure mure aipe ðaiye jauřõre. Chīori parubetebejacu mi ũmei ũ coreóvare ðayure mi âmeina teiyede. ⁶Que teni maje jabocu Jūmenijicu caivu ũi ũmarare majicaibi. Aru caivu ũi jacopuimara mamarape nājine ðaibi ũ, arī toivaicōjenejaquemavu.

⁷Napijara mūje nājiyede ijāravu yópe juedova ne napiyepe ne nājiyede népacu majicaiyede náre. Mūja nājivu baru, coreóvaivubu Jūmenijicu ðayure mūjare mamarape, mūje ðarājiyepe ayu yópe ũi ũrõpe. Caivu majivu mamacu cubecure jípacu nājine ðabemū, majicacuyu ũre. ⁸Aru Jūmenijicu majicayube caivu ina mamarare. Que baru mūja ũi nājine ðabemara maru ũi majicaiyede

mūjare, mamara baju âmevutamu mūja. Quénora eaimarape paivubu mūja. ⁹Coreóvaivubu maja majebucūva ũmuvare coapa, majare ũrivure, ne ðaiye cōmajiyede majare. Nácapūravu nājine ðaivu barejáima maja juedovare cāreja, majicarājivu majare. Aru náre, põevareca, ju arī pueðaivu barejávū maja. Que baru pūeno baju ju arī pueðaiye jauvu majare nāi majepacu cavarõ mearocacure, Jūmenijicu bajure, maje curājiyepe aivu me ũque jāravu cūiméjāravu baquinóre. ¹⁰Majebucūva ũmūva coapa ijāravucavucapūravu majare nājine ðarejaima, majicarājivu majare yópe náre me jauépe ne dápiaru obebejuare maje cuede juedova cāreja. ũbenita majepacu Jūmenijicucapūravu majare nājine ðaibi majicacuyu majare, cadatecuyu majare maje pūeno meara baju barājiyépe ayu yópe ũ bajupe. ¹¹Jāve põescu cubebi nājiyucu. Que baru maje nājīnūmure ye torojubevubu maja. Quénora chīoivubu maja nājivu. ũbenita nājivucapūravu Jūmenijicu majide ðaimaramu, maje nājīye báque boje. Que baru maje nājīniburu yóbore, cārījimenoque curivubu mearore ðarī yópe Jūmenijicu ũrõpe majare jauépe.

¹²Que baru yópe cūyaivu ne parure ðaiyepe ne āmuvede aru ne ũnaboare máre, parure ðajarā mūja mūje ũmei. ¹³Yópe ne voyepe cūyaima nurinimare nácacu ijinoque cūyayū ũi meadaquiyepe aivu aru nácacu cuiye majibecu ũi cūyarī majiquiyepe aivu máre, nopedeca mearore ðajarā mūja yópe Jūmenijicu ũrõpe mūjare jauépe, mūje dajocabenajiyepa aivu mūje ju aiyede Jesúre aru mūje cadateni parure ðarājiyepe aivu ne ũmei mūjacavu parubevure cāreja ne ũmei, na máre ne dajocabenajiyepa aivu ne ju aiyede Jesúre.

**Me bajure maje ðaru yópe
Jūmenijicu ũrõpe ũbenita âme
bajure maje ðabedu yópe ũi ũrõpe
(Mt 3.12; 2 Ts 1.7-8)**

¹⁴Caino mūje oainope cadatejarā mūjevure, ne curājiyepe aivu

cārijimevva. Aru caino mñje oainope cadatejarā mñjevure, ne curājīyepē aivñ mearore ðaivñ yópe Jūmenijicui űrōpe cainumua. Nópe ðabecu baru, pōecu cubebi cuscuyñ maje jabocu Jesucristoque. ¹⁵ Caino mñje oainope me ðajarā mñja. Mñjacacu cūinácū ye ðajocarī jarñvabecarī iye Jūmenijicui jījuroede mearore bojecubeda, űi ju abeque Jesúre, ñai Jūmenijicui ðaroimñ mácure, űi meadaquiyepe ayñ pōevare. Mñjacacu cūinácū ye āmedabecarī yópe ijede āmene oteiyepē oteiyē me máquede. Cūinácū mñjacacu bueyñ baru jāve āmene aru que teni coateyñ baru Jūmenijicure jarñvarī, apevñ mñjacavñre máre coatede ðacuyñme ű, Jūmenijicure ðajocarī jarñvayñ básū. ¹⁶ Mñjacacu cūinácū ye āmeina ðabecarī, űmñ nomióque aru nomió máre űmñque. Aru ye Jūmenijicure űbeni yñribejarī űre máre. Nópe ðarejaquemavñ Esaú básū. ű mácu cñvayñ cūinárñ jarorñ āiyeque jororñre imacu básure bojedarejaquemavñ mamarñmñ pōeteyñ űi cñvajuroe báquede, Jūmenijicui mearo ðacajuroe báquede ű mácure. ¹⁷ Mñja coreóvaivñbu aipe vaiye báquede ű mácure. űi bojedarīburu yóbo diede, űrīdurejaquemavñ jípacū básūi jēniacaiye báquede Jūmenijicūque, űi mearo ðacaquiyepe ayñ ű mácure. űbenita ű mácu űi űrīduiyede ye eabedejaquemavñ. Pare oyñ básñvacari, ye buojabedejaquemavñ oatvayñ iye űi ðaiye báquede.

¹⁸ Majacarpūravñ nñmenamñ Jūmenijicū yebai yópe ānina Israecavñ básavñ ne nñiye báquepe űi yebai. Na mácvñcapūravñ járī jēni majidejaquemavñ no curō, ne Jūmenijicure vorāññinore, űi coyñiye báquede na mácvñre “Que ðarājare”, űi aino mácarōre Moisés básūque. No curō, Sinaí āmicuricū cñracū, toabo uruinoque éñejaquemavñ. Nemitedejaquemavñ. Oopenibo ðicūre taorejaquemavñ. Aru āmei űmevñ parurō jarurejaquemavñ dicū

cñracūre. ¹⁹ Na mácvñcapūravñ jápiarejaquemavñ japuiyo, trompeta āmicuriyo, bujīé báquede aru Jūmenijicui yávaino mácarōre máre. űi yávaiyede jápiarī, cñcumaiyvñ jēniarejaquemavñ Jūmenijicui yávabequiyepe aivñ na mácvñre ne jídué boje. ²⁰ Cñcumarejaquemavñ na mácvñ Jūmenijicū, yópe arī, űi coyñiye báque boje na mácvñre: “Ñai járī curayñ bajurōcñre icū cñracū turñvare, boarī jarñvajarā mñja. Pōecu baru u oteíāimacu baru, cñraboaque o táuyoque ðvarī boarī jarñvajarā mñja űre”, arejaquemavñ Jūmenijicū. űi nópe coyñiye báquede ye jápiarī napimenejaquemavñ na mácvñ. ²¹ Caiye ānié nópe vaiye báque pare jídojae boje, Moisés básñvacari, “Jíducu bidini jáiyubevñ yñ”, arejaquemavñ. Que baru majeñecvñ mácvñ ye nñri eabedejaquemavñ Jūmenijicū yebai.

²² űbenita majacarpūravñ maje jēniayede Jūmenijicūque yópe nñri earī buojadavñ apēcū cñracū, Jūmenijicui cñracū, Sióñ āmicuricū cñracū. No curō Jūmenijicū apñcu űi imaro, Jerusalén āmicurīimaro, cavarō mearoi, yópe nñri earī buojadavñ maja, maje jēniayede Jūmenijicūque. Dímaro ángeleva obedimillones baju ne imaro yópe nñri earī buojadavñ maja, maje jēniayede Jūmenijicūque. Ina ángeleva torojurivñ cójijidama mearore jínajivñ Jūmenijicure.

²³ Aru caivñ ina Jūmenijicui mára űi mamarñmñ pōeteivñre paivñ, na máre torojurivñ cójijidama, mearore jínajivñ Jūmenijicure. Nárecabu ina ne āmiá toivaino mácarōre cñvarivñ cavarō mearo Jūmenijicui curōi, jádovaquiyepe aivñ ne curājīnore. Na torojurivñ baju ne cójijinoi yópe nñri earī buojadavñ maja, maje jēniayede Jūmenijicūque. Jūmenijicñvacari, ñai coyñcuyñ caivñ pōevare árore maje cñrājino coapa, cavarō mearore o toabo cñimébore, maje ðaiye báque boje maje cñede ijāravñi, űi yebai yópe nñri earī buojadavñ maja, maje jēniayede

Jūmenijicuque. Ina pōeva meara mácavu Jūmenijicui jáinore, ina ũi jaubede ðaimara mácavu ne ũmene, ne yebai yópe nuri earī buojadavū maja, maje jēniaiyede úque. ²⁴Aru Jesúvacari, úque Jūmenijicu ayu bācu “Que ðarājare” arī, ũi yóboque coyūiye báquede, ũi yebai yópe nuri earī buojadavū maja, maje jēniaiyede Jūmenijicuque. Jesúi jive meiyē báque boje, boropatebede ðaibi majare Jūmenijicui jáinore. Nai Abel bācu ũi jive meiyē báque boje jībucu bācu boarī jaruvaiye báquede ũ mácure, Jūmenijicu ñájine ðarejaquemavu úre boarī jaruvayu bācure. Ũbenita Jesúi jive meiyē báque boje, Jūmenijicu meadayube pōevare. Que baru Jesúi jivebu bojecue baju Abel bācu jive pñeno.

²⁵Que baru me ðajarā muja. Me jápiarī aðajarā Jūmenijicui yāvaiyede mujare. Úre jápiaiyubeni ju abevu tebejarā muja. Jūmenijicui coyucaicōjeiye báquede ijāravucacu Moisés bācure Israecavu bācavure, ina jápiabeni ju abevu bācavu ye dupivu majibedejaquemavu Jūmenijicui ñájine ðaiyede jocarī, ne ju abe boje. Que baru jāve pñeno baju dupivu majibenajivubu maja, jápiabeni ju abevu baru Jūmenijicu ũi coyucaicōjeiyede majare cavarō mearocacu Jesúre. ²⁶Dinumu mácarōre Jūmenijicui coyucaicōjeiye báquede Moisés bācure ina Israecavu bācavure, cújiovarejaquemavu caino joborōre. Ũbenita caride yópe aibi Jūmenijicu: “Cúináro bedióva cojedeca caino joborōre cújiovacuyumu yu urarō baju. Aru caino cavarōre máre cújiovacuyumu yu urarō baju. Jáve ðacuyumu”, aibi Jūmenijicu. ²⁷“Cúináro bedióva cojedeca” ũi aiyē báque boje, coreóvare ðaibi majare caiye iye ũi cuedaiye báquede cújiovarī bíjarocuyume Jūmenijicu. Que teniburu yóboi, quéda iye ũi cújiovabeno, ũi jaboteinoque, cūquiyebu.

²⁸Cújiovaino buojabenotamu no curō Jūmenijicui jaboteino. Majarecabu ũi epeimara, jabetenajivu úque nore.

Que baru maje curājiye boje úque cainumua ũi imaro cavarō mearoi úre memecarājarevu ũi mearore jíyeque majare bojecubeda. Aru, “Jūmenijicure ye jarare ðabenajarevu ñūjaque”, arī dápiarī cücumari, aru úre pueðaivu máre ũi parué boje, mearore jínajarevu úre, torojure ðarājivu úre. ²⁹Ũbenita yópe toa bíjaroiyepē cüvede, nopedeca Jūmenijicu, maje mearore jímū, bíjarocuyume ina ũi yāvaiyede jápiaiyubeni ju abevure. Que baru iye ũi yāvaiyede me jápiarī ju arājarevu maja.

Torojure ðarājiyepē aiyē Jūmenijicure maje ðaiye maje ue boje

(Mt 25.35-46; Lc 15.4-5; Jn 10.1-16; Ro 12.13; Fil 4.11-13; 1 Ti 6.6-10; He 10.29; 1 P 4.9)

13 ¹Úre nujara apevu Jesúre ju aivure dajocabevuva, yópe jauépe ũ jinare. ²Cainumua torojurivu me copu etarī jacoyujarā muja ina curāðavure muje cūramia coapa. Nópe ðaiyede dajocabejarā muja. Apevu majeñecuva mácavu ne nópe ðaiyede, coreóvabevuva copu etarejaquemavu Jūmenijicui daroimara ángelevare.

³Dápiare nujara muja náre, ámeina teivure jēni jacoñami jívui curivure, cadatenajivu náre yópe muje újuroepe apevu ne cadateiyede mujare, jabova ne buoimara maru. Dápiare nujara muja ina ñájivure, cadatenajivu náre máre yópe muje újuroepe apevu ne cadateiyede mujare, ñájivu baru.

⁴Caivu pōeva pñubuoivu ne pñubuoiyede, ne cuede yópe cúinávure, pueðajarāri ne baju. Que teni ũmva nomicurivu cubejarāri apocoque aru nomiva ũmucurivu máre cubejarāri apocoque, némarebucavare jaruvarī. Caivu ina pñubuoivu apevuque curivu baru, némarebucavare jaruvarī, Jūmenijicui ñájine ðaimara mārājivubu na. Aru caivu ina nomicubevu nomíoque curivu baru aru ũmucubevu máre ũmuque curivu baru, Jūmenijicui ñájine ðaimara mārājivubu na máre.

⁵Täuturare jecubeni, diede pare urĩ, vore nũmejara mũja. Quénora torojurivũ cũjarã mũja quéda mũje cũvaeque, Jũmenijicũi yópe aipe báque boje: “Cainũmũa jíscũyũmu mũre jauéde. Aru cainũmũa dajocabescũyũmu mũre”, arejaquemavũ Jũmenijicũ. ⁶Que baru jidũbevũva yópe arãjarevũ:

Maje jabocũ Jũmenijicũrecabe yũre cađateyũ. Que baru jidũbecũbu yũ. Põescũ cubebĩ ãmedarĩ buojayũ jĩ ùmene, arãjarevũ maja.

⁷Arũjara mũja ina mũje jabova bácvũre, Jũmenijicũi yávaiye méne yávacaĩmara mácvũre mũjare. Dápijarã aipe ne ñaiye báquede yópe Jũmenijicũi urõpe pũ ne yayieta. Na mácvũ Jesúre ju aivũ bácvũre paivũ bãjarã mũja. Aru ne ñaiye báquepedeca ñajarã mũja. ⁸Que baru Jesucristorecabe oatũvabescũ cainũmũa. Ë cũinátũrũrecabe põevare meadayũ báciu javede, aru põevare meadayũ caride, aru põevare meadayũ bacũyũ cainũmũa máre. ⁹Jũjovaicõjemejara apenvũ põevare ne ape bueiyeque, Jũmenijicũi yávaiye méne jãve ãmeque mũjare. Iyepẽ paiye bueiyede jápiarĩ ju abejarã. Métamu parũre ñaru mũje ùmei Jũmenijicũi mearo ñacaiyeque mũjare bojecubeda. Bojecubeda Jũmenijicũ cađateibi majare ùi mearo ñacaiyeque. Ëbenita põeva ju aivũ baru apenvũ ne ñaicõjeiyede, “Apede ãjara. Ëbenita apede ye ãmejara mũja” arĩ, ye cađatebemaratumu na. Que baru maje ju aiyequẽ iyepẽ paiye ñaicõjeiyede maje ùmei parũre ñarĩduiye jaubevũ majare.

¹⁰⁻¹¹Maja judíoiva maje sacerdoteva bácvũ ãivũ barejaquémavũ jiarũare ãimara ne boaimara mácvũquede, majeñecũva mácvũ ne jícaiye báquede, ne ãmeina teiye boje járavũa coapa. Ëbenita ãnijãravũ cũinãjãravũ bácarõ ùjuá coapa, ñai sacerdotevare jaboteipõescũ báciu nũvaiyede ãimara ùi boaimara mácvũ jivede ditucubũ pũeno baju meatucubũ bácarõ jívũi, jíscũyũ diede Jũmenijicũre põevai ãmeina teiye boje, ye ãmenejaquemavũ

sacerdoteva bácvũ jiarũare, ina ãimara ùi boaimara mácvũquede. Que baru ye mearore ãmenejaquemavũ ina sacerdoteva bácvũ ina ãimara ne boaimara mácvũre. Quédeca caivũ ina põeva mearore jíyũrĩduivũ Jũmenijicũre yópe “Que ñarãjare” ùi aino mácarõpe Moisés báciuque, ye mearore ãmeni, meadabemaramu na. Ëbenita maja mearore jívũ Jũmenijicũre yópe “Que ñarãjare” ùi aino mácarõpe Jesúque, ùi meadaimaramu maja. Jesúi yayie báquebu jocscũjaravena põeva ne ãmeina teiye boje yópe ne jícaiye báquepe ãimara ne boaimara mácvũre põeva ne ãmeina teiye boje. Ëbenita Jesúi yainĩburu yóbore cũináro, Jũmenijicũ ye ubebi caiye ape jícaiye. Aru ñai sacerdotevare jaboteipõescũ báciu juarĩ jarũvaicõjenejaquemavũ ina ãimara ùi boaimara mácvũre ne ãmaro jedevai, põeva ne ube boje na, ãimara mácvũre. ¹²Quédeca Jesús máre ñãjini yaidéjaquemavũ ãmaro jedevai, põeva ne ube boje ùre. Yópe joaiyepẽ docscũede ocoque, nopedeca Cristo joaiyepẽ ñaibi põevare maje ãmeina teiyede jarũvarĩ, ùi jive meiyẽ báque boje, maje cũrãjiyepẽ ayũ yópe Jũmenijicũi urõpe. ¹³Que baru yópe Jesúi yayie báquepe põeva ne cũyõjeda ñaimũ mácvũ ùi yayie báque boje ãmaro jedevai, nopedeca maja máre dajocarãjarevũ maje mearore jíyede Jũmenijicũre yópe “Que ñarãjare” ùi aino mácarõpe Moisés báciuque, judíoivai mearore jíyepẽ. Aru põevare cũyoje teicõjenajarevũ majare máre yópe ne ñaiyepẽ Jesúre. Maje dajocaiye judíoivai bueiyede, yópebu Jesúi etaiye báque judíoivai ãmaro urarõre jocarĩ, yaicũyũ.

¹⁴Ye ãmaro cubevũ majare ijãravũi, ãmaro cainũmũa cũrĩĩmaro. Quénora vore nũivũbu, earãjivũ apeno ãmarore, maje cũrãjinore. ¹⁵Que baru cainũmũa mearore jíñajarevũ Jũmenijicũre. Maje mearore jíyedecabu ùre maje jícaiye ùre. Aru Jũmenijicũre mearore jíni buojavũbu maja, Jesúi yayie báque boje ùi jarũvaquiyepe aivũ maje

ãmeina teiyede aru ñi jëniacaiye boje Jümenijicuque majare boje cainumua. Maje torojuede jíyebu, yópe arí, “Ñujepacu, Jümenijicu, meacu bajubu mi daroiye báque boje Jesúre, ñi meadaquiyepe ayu ñujare”, maje jícaiye úre. ¹⁶Aru maje mearore ðaiyebu maje jícaiye máre Jümenijicure. Que baru maje cadateiyebu apévure maje jíyede náre maje cuvaequede, ne cuvarájiyepe aivu náre jauéde, maje jícaiye úre. Caiye dieque úre me torojure ðaivubu maja. Que baru árumetebejará mija mearore ðaiyede aru pöevare cadateiyede máre.

¹⁷Me jápiajará mija, Jesúre ju aipöeva, mujare coreipöevare. Náre pueðarí, ne coyuiyede ju arí, ðajará yópe ne ðaicöjeiyere. Cainumua mujare urí, jári coreðama ye jabuóvabevuva. Aru nópe ðaðama, ne coreóvaiye boje coyurájiyvure Jümenijicure aipe ne ðaiyede iye ñi náre coreicöjeiyede mujare. Mija ne coyuiyede ju arí, diepe mije ðaru, torojarivu coyurájarama Jümenijicure mije ju aiyede. Ubenita mija ne coyuiyede ju abeni, diepe mije ðabedu, chíoiyu coyurájarama Jümenijicure mije ju abede. Aru chíoiyu coyuru, ye meamejebu mujare. Jümenijicu ñájine ðajebu mujare, mije ju abe boje náre.

¹⁸Cainumua ðaiyurivubu ñija caiyede yópe mearope Jümenijicui jáinore ñi cadateiyequede. Que baru, “Boropatebevü yu”, arí dápíarí buojaiivubu ñija. Que baru jëniacare ñujara mija Jümenijicuque ñujare boje, ñi cadatede nuquiyepe aivu ñujare. ¹⁹Paredeca jëniaivu yu mujare, mije jëniacarájiyepe ayu Jümenijicuque ñi copaini nuicöjequiyepe ayu yure, cucunujivari mije yebai püeno maumejiena.

²⁰Jümenijicurecabe cãrijimenoque cure ðaiye majicu pöevare. Úrecabe

nacovañu mácu maje jabocu Jesúre yaiyu bácvu ne curöre jocarí. Maje jabocu Jesús caivu maja úre ju aivüre jári coreyube me baju apévü majare coreivü püeno. Yópe ovejavare coreipöecui jári coreiyere, nopedeca maje jabocu Jesús jári coreyube majare. Úi jive meiyede báque boje ñi yaiye báquede, Jümenijicu “Que ðarãjare” arí, ñi yóboque coyuiye báque pöevare jáve jaubedejaquemavu. ²¹Mujare mearore ðarí jaubede ðajacurí majepacu Jümenijicu, ñai cãrijimene ðayu, mije ðaiye majinajiyere ayu caiyede mearo bajure yópe ñi uröpe. Aru majepacu Jümenijicu Jesucristore mearore ðare ðajacurí majare, maje torojure ðarãjiyepe ayu úre. Que baru mearore jínajarevu Cristore cainumua, jáðovarajivu úre meacu bajure. Quédecabu.

Meaicöjeino

²²Mija, jívu, Jesúre ju aivu, paredeca jëniaivu mujare, mije napinajiyere ayu iye ji toivaiye báquede aipe ðaiye jauöre mujare. Urarö ji toivacajuroede yu toivabecuvacari, toivacaiyu mujare parure ðacuyü mije úmei, cadatecuyü mujare. ²³Majecu Timoteoi borore jaroivu mujare. Ñai jabova ne buoimü mácu, ne jodeimüme caride. Maumejiena ji yebai ñi earu, cünáturu nurajaramu ñija mije yebai. ²⁴Meajarari caivu mujevü, Jesúre ju aivüre coreipöeva, aru caivu apévü Jümenijicui pöeva máre. Italia ámicuríjoröcavu ñijaque curivü meaicöjedama mujare. ²⁵Aru Jümenijicu mearo ðacajacurí caivu mujare bojecubeda ñi me boje. Quédecabu. Quénoramu.